


ANG MARKA SA MAPINTAS NGA MANANAP

 Karon, ugma sa gabii. . . Atong ipasundayag kanunay ang usa ka butang, si Ginoong JesuCristo, mao lamang kana, ug bisan unsay Iyang Langitnon nga kabubut-on kini alang kanato ang pagbuhat. Apan kong itugot sa Iyang Langitnong kabubu-ton ugma sa gabii, diha sa *Ang Timri sa Dios*, maoy atong pagahisgotan, kong itugot sa Ginoo.

² Ug karong gabii, atong ihatag, kong Siya. . . anaa Kaniya ang katungod alang kanato aron sa pagbuhat niini, o kaha atong katungod alang kanato aron sa pagbuhat alang Kaniya, labot pa, karo'ng gabhiona, maghisgot kita sa labing mahinungdanon nga mga pagtulon-an sa panahon: *Ang Marka Sa Mapintas Nga Mananap*.

³ Ug sa miaging gabii didto kita sa mga kapanahonan sa iglesia, *Ang Pito Ka Mga Kapanahonan sa Iglesia*. Ug ang sinugdanan diha sa Panahon sa Iglesia sa Mga taga Efeso, sa Efesos: ug natapus ngadto sa Panahon sa Iglesia sa Mga taga Loadicea, ang katapusa'ng panahon sa iglesia. Ug hinaut unta nga ang Ginoo magadugang sa Iyang mga panalangin karon diha sa Pulong samtang atong pagahisgotan.

⁴ Karon mahimo ba nga atong iduko ang atong mga ulo sa usa ka hamubong panahon alang sa pag-ampo, sa dili pa nato ablihan kining Balaanon nga Pulong.

⁵ Maloloy-on Langitno'ng Amahan, mapasalamaton kami tungod niining kahigayonan nga among naangkon niining gabhiona, nga nahimong buhi, ug nga ania dinhi sa yuta, niining gabhiona, ug nga nakabaton sa kabaskog ug kapiskay, ug nakahimo sa paglingkod dinhi sa maong gambalay, diin ang Pulong sa Dios gibasa.

⁶ Ug nag-ampo kami, O bulaha'ng Manunubos, maingon nga among Kaliwat nga Manunubos si Kinsa maoy naghugas kanamo diha sa Iyang Dugo, ug naghinlo kanamo gikan sa sala, ug karon mitugyan kanamo ngadto sa Amahan, nga walay sala, diha kang Cristo Jesus; hinaut unta nga moduol Ka, niining gabhiona, ug kuhaon ang Pulong ug ablihan Kini sa among mga kasing-kasing. Hinaut nga ang Espiritu Santo maoy magagunit sa Pulong samtang Kini ginatudlo, ug hinaut nga Kini motadlas ngadto sa maong katuyo-an, sa matag kasing-kasing, sa akong kasing-kasing ug sa mga katawhan. Maingon nga nagakinahanglan kami Niini, Amahan, hinaut nga Kini igahatag. Ug hinaut nga walay usa nga makakuha ug

kapandolan sa Pulong. Ug, Amahan, kon sa bisan unsa nga higayon nga makasulti ako ug sukwahi sa Imong pagdumala, hinaut nga ang Espiritu Santo mopugong sa akong baba. Mao ra'y akong gitinguha ang pagkasayud kong unsa ang Kamatuoran, ug unya ang paglakaw diha niini.

⁷ Panalangini kaming tanan karon, pasayloa kami sa among mga sala, samtang kami nagakahiya dinhi niining balay'ng alampoanan. Ug hinaut nga ang among mga sala matabunan sa Dugo, ug ang among mga espiritu mapahimutang diha sa hustong pamatasan sa pagsimba niining taknaa. Tungod kay among gipangayo kini sa Ngalan ni Jesus. Amen.

⁸ Karon, ako lang ginahuna-huna, kining gamay'ng piraso sa papil dinhi, nga akong gisulat ang daghang mga Sinulat alang. . . sa paghisgot ngadto, pagbasa, sa sinugdanan. Ug karon sa akong pag-abot dinhi, morag wala nako bati-a nga mobasa pa bisan asa kanila. Mao kana ang kasagaran nga mahitabo; upat o kaha lima ka mga teksto gikan sa pagsugod.

⁹ Apan buot ko nga basahon o kaha isulti kini pag-una, nga, diha sa pagpakigsulti, wala ko mokuha ug panghuna-huna. Nahibalo ba kamo, tingali'g, maingon lang. . . Wala ko'y laraw kong unsay igasulti kay sa inyong ginabuhar, tan-awa, walay usa ka butang. Nagpaabot lamang ako Kaniya. Ug sa makita ko na kini, kab-uton ko na lang ug kuhaon kini, ug ipanghatag kini. Ug unya usahay kini ingon sa buraghal nga paminawon, usahay, apan kini lamang ang bugtong paagi nga akong madawat kini. Busa mao lamang kana—mao lamang kana ang bugtong paagi nga akong mahimo sa paghatag niini.

¹⁰ Karon, dinhi niini, itugot kini. . . kanako sa pagsulti pag-usab niining gabhiona. Kini wala itumong ngadto sa matag-usa o kaha kang bisan kinsa'ng relihiyon, tan-awa, dili sa tanan. Wala kita magtoo diha niana. Kita nagatoo nga kita matuod gayud nga mga Americano, nga ang matag-usa ka tawo adunay katungod sa pagsimba sa Dios sumala sa pagmando sa iyang kaisipan. Ug mao kini ang atong gusto sa kanunay nga paagi. Apan, diha sa matag iglesia, kita adunay pagtulon-an.

¹¹ Daghan mga kapanahonan, diha sa mga organisasyon, mga denominasyon, nga sila nagbaton ug kredo. Ug mipabilin sila diha nianang maong kredo, “Kini mao ang among kredo.” Bisan kong unsa pa ang ginahuna-huna sa ministro, kinahanglan gayud nga iyang igawali ang kredo, tungod siya anaa man sa denominasyon.

¹² Ug dinhi niini, walay atong kredo kondili si Cristo, mao kana ang kredo; ug walay balaod gawas sa gugma; walay libro gawas sa Biblia. Ug si Cristo mao ang Ulo; ug ang Biblia mao ang atong libro sa pagtulon-an; ang kalibutan mao ang akong parokya. Busa gusto ko—gusto ko lang nga mowali sa paagi nga akong

gibati nga gigiyahan sa pagwali, ug ingon sa paagi sa akong pagpakakita niini.

¹³ Ug unya dinhi niining panahona, dinhi sa pagpakigsulti ilabina diha niining labing buraghal, lisod, giputol nga bahin sa Ebanghelyo, apan, nahibalo na kamo, nga kini mao ang balay sa hukmanan. “Ang paghukom magasugod diha sa” (diin?) sa “balay sa Dios.” Husto. Dinhi ang paghukom magagikan. Ug diha maoy. . . Kong kamo nakaadto na sa korte, ug unya adunay imong usa ka bista, sila adunay usa ka libro sa balaod diha, ilang pagabasahon kining maong balaod, aron pangitaon kong unsay igahukom kanimo. Ug mao kana usab ang paagi sa balay sa Dios, kinahanglan nga atong kuhaon kini gikan sa Pulong sa Dios.

¹⁴ Ug karon, sa daghang panahon, dinhi niining butanga, busa kinahanglan nga paningkamutan mo ang pag-angkon niini karon, nga, tingali’g masayop ako. Ang akong hubad mahimong masayop. Apan akong gipaningkamutan ang pagbasa Niini sumala sa pinakadu-ol, ug igasulti lamang kong unsay giingon Niini. Magapabilin lamang uban sa Kasulatan, kong unsay giingon Niini aron isulti.

¹⁵ Ug karon hilabihan ka mangil-ad, o kaha. . .Tingali ug dili kini mao ang kabubut-on sa Ginoo, ug tingali mao kini, wala ako mahibalo, nga, buot ko lamang maangkon human sa semana o sa sunod pang semana niining Libroha, aron lang sa pagpabilin dinhi ug bantayan kini ug dawaton diha-diha aron pagbalik ngadto kang Daniel, ug ang Daniel ug mga Pinadayag, ug isugpon diha sa mga profeta.

¹⁶ Ug ang tibuok nga Pulong sa Dios gisugpon ug maayo ang matag gagmay’ng bahin niini. Kan-uman ug unom ka mga Libro, gisulat sa daghan kaayong mga tawo, nga gisal-angan sa gatusan ka mga katuigan, ug walay usa nga nagaka- sinumpakiay sa usa, wala bisag-usa. Ang matag- usa kanila hingpit. Wala sukad ni adunay usa ka piraso sa mga sinulat nga sama Niini, sa tibuok kalibutan.

¹⁷ Anaa na sila, sa duha ka libo ka katuigan, naningkamot sa pag-ilis sa Pag-ampo sa Ginoo. Aron nga butangan Kini ug usa ka pulong, o kaha kuhaon kini ug usa gikan Niini, aron mahimo Kini nga maayo. Dili mo gayud mahimo ang pagbuhat niini. Oh, Kini hingpit na. Kini mao ang Pulong sa Dios.

¹⁸ Ug ako nagtoo sa—sa Biblia nga mao ang dinasig nga Pulong sa Dios. Ang matag Pulong nga anaa Niini dinasig. Dili ako motoo nga *kini* dili tinuga, ug *kini* mao, ug *kana* mao. Ako nagatuo nga Kining tanan dinasig. Kini mahimong tanan husto o sayop tanan; ug kong Kining tanan nagakasagul, nan dili ta mahibalo kong unsay atong pagabuhaton. Apan Kini, ang matag bahin niini, Kamatuoran. Andam ako sa paghalad sa akong kinabuhi sa bisan unsang panahon tungod sa MAO KINI ANG GIINGON SA GINOO nga ania dinhi.

19 Karon, karon nakabaton lamang sila niini sa miaging mga gabii. Ug, laing pa, adunay atong bulohaton karong Sabado sa gabii, nga magapadayon sa mao ra sa gihapon, nga adunay usa . . .

20 Ang kadaghanan sa mga katawhan sa iglesia nag-ingon nga sila buot . . . ang ingon nga nahugawan, sa pag-abot diha sa simbahan sa Dominggo sa buntag, nga ang kadaghanan kanila nag-ingon nga sila buot lang nga magapabilin sa Sabado sa gabii, human sa bulohaton, ug motabang sa pagpanghinlo sa simbahan aron ang mga katawhan dili na kinahanglan pa nga moanhi dinhi sa Dominggo sa buntag, o kaha sa . . . o kaha dili na sila mobuhat pa sa Dominggo, aron—aron sa pag-andam sa simbahan. Dili kita . . . Gusto natong . . . Dili ako usa ka Sabadista, apan bisan pa niana buot ko nga magatahud sa—sa pagsimba maingon sa kahigpit sa akong gibuhat.

21 Ug karon, dayon, akong gihuna-huna nga akong ipahibalo ugma sa gabii, tingali, kong itugot sa Ginoo, kung unsay atong pagahisgutan karong Sabado sa gabii.

22 Karon, niining gabhiona mao: *Ang Marka Sa Mapintas Nga Mananap*. Ug ugma sa gabii: *Ang Timbri Sa Dios*. Sila mao ang duha ka mahinungdanon sa . . . Sa akong pagtoo, maoy labing mahinungdanon nga mga pagtulon-an nga angay pagahisgotan dinhi niining adlaw, tungod kay sa pagkatinuod nagatoo ako nga kita nagapuyo na dinhi niining panahon sa pag-usisa sa paghukom sa Dios. Ako nagatoo nga kita ania na dinhi niining adlaw. Ug dili kita gusto nga mahimong mapalabilabihon. Dili gusto nga mahimong panatiko. Duolon ta lamang kini diha sa maayong kaisipan maingon sa pagkasulti niini sa Biblia; ug Kana maoy hingpit, dayag na lamang.

23 Ug karon diha sa pagbuhat niini, atong hidunggan sa daghan nga mga tawo, karon, nga nagahisgot mahitungod sa marka sa mapintas nga mananap. Nadungog na ninyo kini sulod sa dugay nang panahon, “Unsa man kini? Kinsay nagbuhat niini? Diin? Kinsa man ang makabaton niini? Ug kon ilang mabatonan kini, unsay—unsay pagabuhaton ngadto kanila? Unsa? Unsa? Makadaot ba kini kaninyo? Aduna bay-aduna bay makadaut diha niini?”

24 Ah, karon, mao kana ang buot ko nga atong—atong pangitaon gikan sa Pulong sa Dios, ang unang butang, “Kong aduna may marka sa mapintas nga mananap nga gihisgotan sa Biblia?” Ug ang sunod nga butang, “Sa unsang panahon kini nahisakop? Ug kinsa man nga katawhan ang makadawat niini? Ug unsa man ang inyong pagabuhaton? Mahimo ba nga makabaton ka niini ug unya wala ka mahibalo niini?” Ug uban pa, kana, mga pangutana lamang nga sama niana. Busa, sa naabot sa akong salabutan, nga—nga kini maoy usa sa duha ka mahinungdanong pagtulun-an nga akong nahinumduman diha

sa Biblia, *Ang Marka Sa Mapintas Nga Mananap*, ug *Ang Timbri Sa Dios*.

²⁵ Karon, ang una, adunay akong Kasulatan dinhi aron sa pagpakita kong...o kaha sinulat lamang, aron sa ingon mamahimo ko ang pagpakli diha Niini, ug kana mao ang San...Aron sa pagsugod, atong tan-awon pag-una kong unsa ang marka sa mapintas nga mananap, ug, “Makuyaw ba ang pagbaton niining maong marka? Kini ba?” Karon diha sa Pinadayag, sa ika-14 ka kapitulo ug sa ika-9 nga bersikulo, kini mao ang mensahe sa ika-tulong manulonda. Karon, bisan kinsa nga makina-admanon sa Biblia...

²⁶ Akong nakita si Igsoon Stanley dinhi, ug duha o kaha tulo pa ka mga ministro ang nagalingkod karon dinhi. Ug sa miaging gabii adunay daghan nga mga kaigsoonan dinhi nga gikan sa seminaryo sa Baptist sa Louisville, ug tingali adunay daghan karong gabhiona. Wala ako mahibalo. Ug tingali’g adunay Methodist, Baptist, Katoliko, ug kaha Orthodox nga Judio. Wala ako mahibalo. Apan dili ‘kini...

²⁷ Kini dili maoy pagpasakit sa pagbati ni bisan kinsa; dili gayud. Ug kini alang lamang sa...Mao lamang ang paagi sa pagkasulat sa Biblia, alang sa pagbasa Niini, ug magatugot kaninyo sa pagtan-aw Niini, sa imong kaugalingon. Ug atong pagaduolon Kini sa paagi nga minaayong pang-isip maingon sa atong nasayran kong unsaon, diha sa kahadlok sa Dios, sa atong nahibaloan nga Siya magahukom kanato sa atong pulong. Ang atong mga pulong mahimo nga makapanalangin kanato o kaha makapa-tunglo kanato sa Adlaw sa Paghukom.

²⁸ Ug kong akong gibati nga nahibalo ako ug unsang butang, ug tipigan ko lang kini, nan ang Dios magapaningil niini kanako sa Adlaw sa Paghukom; ug ang mga kalag uban sa ilang mga kamot, magaingon, “Igsoong Branham, kong gisuginlan lamang nimo kami, dili kami mahianhi niining kahimtanga karon.”

²⁹ Buot ko nga mobarug nga sama kang Pablo kaniadto, “Ako libre sa tanang dugo sa katawhan. Tungod kay wala ako magdumili sa pagmantala kaninyo sa tibuok nga pagtambag sa Dios.” Husto kana, maingon sa akong pagtan-aw Niini; ug kon ugaling sayop man ako, dayon ang Dios magapasaylo kanako. Kining mga butang dili gayud mahitabo...Wala gayud ako makaadto sa bisan diin nga seminaryo, wala gayud ako makaadto sa bisan unsa’ng tulonghaan, wala gayud ako modawat sa kang bisan kinsang pulong mahitungod Niini. Ako miadto tadlas gayud sa Biblia, diha sa pag-ampo. Ug kini maoy Langitnong pagpadayag pinaagi sa Espiritu Santo, mao rang Manolunda sa Dios ang naga-agak kanako aron nga makakita ug mga panan-awon ug uban pa nga sama niana, ug ang pagpangayo sa balatian. Ug mahimo ninyo nga hukman kana kong Kini tinuod ba o kaha dili.

³⁰ Karon, kini mao ang mensahe sa ika-tulong manulonda, alang sa kalibutan. Ug nahibalo ba kamo kong unsa, ang mensahe sa ika-tulong manolunda, kini nagapadayon karon niining adlaw. Kini mao ang paglupad sa mensahe sa ika-tulong manolunda, kung ikaw nagbasa ug Biblia.

³¹ Adunay tulo ka mga kagul-anan nagsunod niini. Ang nahauna nahitabo na sa Unang Gubat sa Kalibutan. Ang ikaduha nahitabo sa Ikaduhang Gubat sa Kalibutan. Nakita ba ninyo kong unsay atong gipadulngan karon. Padayunon ta. Ania na kita sa kinatumyan sa dalan.

³² Karon atong isilsil kini sa atong panghuna-huna, sa dili pa kita mobasa sa Kasulatan. Sa kahimtang, kita nagapadulong paingon sa katapusan nga panahon. Unsa'ng kadugayona? Wala ako mahibalo; walay bisan usa nga makahibalo.

³³ Apan, tan-awa, kuha-on nato ang makasay-sayanon nga pagkasulti. Ang unang duha ka libo ka mga katuigan, ang kahimtang sa kalibutan miabot ngadto sa usa ka sangkoanon, ug ang Dios milaglag sa kalibutan pinaagi sa tubig. Nahibalo ba kamo niana? [Ang Congregasyon miingon, "Amen."—Ed.] Dayon mitungha kini ingon nga bag-ong kalibutan. Ug ang ikaduhang duha ka libo nga mga katuigan, miabot na usab kini sa iyang katapusan, ug gipadala sa Dios si Jesus. Husto ba kana? ["Amen."] Kini mao ang katapusan sa mosunod nga duha ka libo ka mga katuigan, 1954. "Ug ang Maayong Balita," si Jesus miingon, "ang bulohaton mahimong pamub-an," (alang sa unsa?) "tungod sa mga pinili, o kaha walay unod nga maluwas," magpasulabi niini ang kadautan. Busa ania na kita sa katapusang panahon. Ug unya ang ika-pito, diha sa tipo, nga mao ang usa ka libo ka tuig, nga mao ang Millenyum.

³⁴ Maingon nga ang Dios nagapamuhat sulod sa unom ka libo ka mga katuigan, atong nahibaloan nga usa ka libo katuig. . . "Ang usa ka adlaw didto sa Langit usa ka libo ka tuig dinhi sa yuta," Ika-duhang Pedro. Tan-awa? Karon, ug gibuhay sa Dios ang kalibutan sulod sa unom ka libo ka tuig. Ug ang Iglesia nag-antus batok sa sala sulod na sa unom na ka libo ka tuig karon. Ug ang ika-pito ka libo, ang Dios miadto aron sa pagpahulay, ug mipahulay sa ika-pito; ug, karon, usa kini ka tipo sa Milenyum ang Iglesia, nga mopuyo dinhi ibabaw sa yuta, dinhi gayud sa porma sa lawas, para sa usa ka libo ka mga tuig, walay mga sakit, kagu-ol, kabalaka, o kaha kamatayon. Kanang daku, nga bulawanong panahon taliabot na karon! Oh, para niana! Oh, gusto nako nga awita:

Ang kalibutan nag-agulo, naghakbo para sa
adlawang tam-is nga kagawasan,
Sa dihang si Jesus mobalik pag-usab sa
kalibutan. (Gusto nako kana.)
Ang sala ug kagu-ol, kahapdos ug

kamatayon niining mangitngit nga kalibutan
pagahunongon,
Sa mahimaya-ong paghari uban kang Jesus sa
usa ka libo ka mga tuig nga kalinaw.

Ang Biblia nag-ingon, “Sila namunu-an ug naghari uban kang Cristo sa usa kalibo ka mga katuigan,” usa ka Millenyum.

Karon, kining mensahe sa ikatulog manulonda, sa dili pa Mobalik ang Ginoo, sa diha nga ang Selyo ug ang marka nabutang na. Karon, dunay mahimong dakung pagtigum, usa ka pagdakup.

³⁵ Sa patigum, gikan sa Kasadpan, sa dihang manggawas na mi, naanad ko, anaa na kini kanako sukad pa sa akong pagkabata, mogawas alang sa Tigpanalingsing nga panigum sa mga baka ug alang sa Tigpangalarag nga panigum sa mga baka, moadto ako sa kabukiran ug palugsungon ang mga baka paingon sa ubos. Ug tapus nga mahipos na namo ang mga baka nga among hikaplagan, gikan sa matag dapit, dayon among ibulag ang tanan nga dili . . . ang dili amo. Ang amo nagadala sa mga timbri, ug sila mga pinatikan. Ug kong ugaling . . .

³⁶ Ang si bisan kinsa kaninyo nakakita na ba nga pamatikan ang mga baka? Kini ingon ug usa ka butang nga tagdunon silang mga pinatikan nga mga baka. Naanad ko sa pagbati ug kalooy sa baka. Ug kin usa ka makapahadlok makapasakit nga kakulian sa dihang magasugod ka na sa pagpamatik sa baka. Ang pagpabaga sa puthaw nga igpapatik mao kanunay ang akong buhat, bugkosan ang puthaw. Ug dayon ibutang kini diha sa ibabaw sa usa ka baka’ng kapon nga nagalubog didto, ug ang iyang tiil ginapos; ug ibutang ang timbri diha kaniya, ug ang balhibo ug ang unod masunog; ug unya sabligan ug gamay’ng alkitran sa ibabaw niini, ug unya buhian siya. Ug kong maghisgot bahin sa pagbuhi! Sa pagkatinuod siya modalagan gayud. Apan, tan-awa, pinatikan na siya.

³⁷ Ug mao kana ang pamaagi sa Dios nga gibuhat kanato. Kinahanglan nga magpaubos ka sa halaran ug magkuhag higot sa baboy, panag-sa. Apan, igsoon, kong ang Espiritu Santo ang mag-butang kanimong ug usa ka timbri, mahimo nga modalagan ka ug mosinggit, apan pinatikan kana. Husto kana. Didto ka. Kong ang Agalon moabot na, Siya mahibalo kong kinsay tag-iya nimo.

Apan, oh, alang, niadtong saag nga nati, kadtong kauban nga nahukman na nga ipabalik sa taliwala sa—sa kaumahan.

³⁸ Karon, ang panahon sa pagpamatik. Ug karon adunay duha lamang ka mga sumasakay dinhi niini, kana mahimong alang sa Dios ug kang Satan. Kuhaon ni Satan ang mga iya, ug kuhaon sa Dios ang mga Iya. Niining gabhiona atong tanawon kong kinsa ang nagdala sa timbri ni Satan, ug ugma sa

gabii atong tan-awon kong kinsa ang nagdala sa timbri sa Dios, sumala sa Pulong sa Dios.

³⁹ Karon ania ang mensahe sa manolunda, sa ika-9 nga bersikulo sa ika-14 nga kapitulo. Basahon ang duha ka mga Sinulat dinhi, nga akong gisulat. “Ug ang manolunda . . .”

Ug misunod ang laing manolunda ang ika-tulo, nga nag-ingon sa makusog nga tingog, Kon adunay mosimba sa mapintas nga mananap ug sa iyang larawan, ug pamarka sa iyang agtang, o . . . sa iyang kamot,

Siya usab magainom sa bino sa kapungot sa Dios, nga pagatagayon nga walay sambog ngadto sa kopa sa iyang kasuko; ug . . . siya pagasakiton pinaagi sa kalayo ug asupri diha sa atubangan sa mga balaang manolunda, ug sa atubangan sa Kordero:

⁴⁰ Siguro walay gustong mobuhat niana! Tan-awa.

Ug ang aso sa ilang kasakit magautbo hangtud sa kahangturan: ug sila dili makatagamtam sa kalinaw sa magabii ug sa maadlaw, sila nga mosimba sa mapintas nga mananap ug sa iyang larawan, ug ang bisan kinsa nga minarkahan sa iyang ngalan.

⁴¹ Dili ko gusto nga usa ako niana, nakasiguro ko. Tinuod kaayo. Paminawa ang sunod nga bersikulo, samtang akong gitan-aw kini.

Ania niini ang agda sa pagkamainantuson sa mga balaan: sa mga nanagbantay sa mga sugo sa Dios, ug sa adunay pagtoo diha kang Jesu Cristo.

⁴² Karon ang ika-15 nga kapitulo, ug ang ika-duhang bersikulo. Ug ang . . . Paminawa karon, diha sa ika-15 nga kapitulo ug sa ika-2 nga bersikulo. Karon, atong gibasa sila gikan sa ika-14, ug sa ika-9 nga bersikulo. Karon ang ika-15, ug ang ika-2 nga bersikulo.

Ug milakaw ang nahauna, ug giyabo niya ang iyang panaksan sa yuta; ug kini nahimo nga usa ka samad nga mangil-ad . . . ug maul-ul niadtong . . . mga tawo nga may mga timaan sa mananap nga mapintas, ug nga nanagsimba sa iyang larawan.

Ang ika-16 nga kapitulo ug ang ika-2 ng bersikulo.

Nga kaniya nagpakighilawas ang mga hari sa yuta, ug ang nanagpuyo sa yuta, nangahulog sa vino sa iyang pagpakighilawas.

⁴³ Kadiyot lang. Pasayloa ako ninyo. Akong napakli, kinahanglan unta nga pakli-on ang duha kanila sa maka-usa. Padayunon ta. Karon sa ika-20 ka kapitulo ug sa ika-4 nga bersikulo. Padayunon ta, ania na kita.

Ug nakita ko ang mga trono, ug sila naglingkod niini, ug gihatag kanila ang paghukom: ug nakita ko ang mga kalag sa mga gipunggutan tungod sa pagpamatuod kong Jesus Cristo, ug tungod sa pulong sa Dios, ug ang tanan nga wala managsimba sa mananap nga mapintas, ni sa iyang larawan, ug wala makadawat ug timbri sa ilang mga agtang, ug sa mga kamot: ug sila ngabuhi ug nanaghari uban kang Cristo sulod sa usa ka libo ka tuig.

44 Dili modawat sa marka sa mapintas nga mananap ug unya nagsimba kang Cristo o nakig-uban Kaniya. “Apan sa bisan kinsa nga mosimba sa mapintas nga mananap o sa larawan sa mapintas nga mananap, pagasakiton sa atubangan sa Dios ug sa atubangan sa balaang mga manolunda.” Mao kana ang giingon sa Ginoo mahitungod niini.

45 Karon moadto na kita sa pagsugod. Ablihi na karon ang inyong mga Biblia diha sa ika-13 ka kapitulo sa Pinadayag, ug magsugod kita dayon sa makadiyot lamang nga panahon. Karon kini maoy labing mahinungdanon. Ug paminaw pag-ayo karon.

46 Una, atong kuhaon ang atong gitun-an sa miaging gabii. Sa miaging gabii atong gihisgotan ang kapanahonan sa iglesia, nga, diha niana giunsa nato ang pagpakakita kang Jesus nga nagabarug diha sa taliwala sa Iyang Iglesia, “Nagasulti maingon sa tingog sa daghan nga mga katubigan; ug Siya adunay buhok nga sama sa balhibo sa karnero; ang mga mata sama sa nagasiga nga kalayo.”

47 Hinumdomi, ang tanan nga—nga Pinadayag maoy usa ka panan-awon, ug mahulagwayon. Kanang tanan adunay kahulogan, busa kinahanglan nga magbantay ug maayo. Basaha ang mga propeta, tan-awa kong unsay gipasabot sa maong mga simbolo, ug unya itandi kini dinhi aron imong mahibalo-an kong unsa gayud kaha ang matuod nga kahulogan sa simbolo.

48 “Adunay mga mata nga sama sa nagasiga nga kalayo,” nga nagadagan ngadto nganhi lagbas sa kayutaan. Ug atong hingkaplagan nga kadtong mga dilaab nga siga, sama . . . “Mga espada, usa ka espada nagagula gikan sa Iyang baba, nga duhay sulab,” ug atong hingkaplagan nga kadto mao ang Pulong sa Dios nga nagagula gikan sa baba sa Iglesia. “Ug Kini makahimo bisan pa sa pagtuklab sa kinauyokan sa bukog, ug motugkad sa mga huna-huna ug katuyo-an sa kasing-kasing,” Mga Hebreohanon ika-4 nga kapitulo.

49 Atong hingkaplagan nga ang Iglesia nagabarug didto diha sa Iyang katahum; si Cristo maoy gihulmahan diha Niini! Ug ang Iglesia adunay usa ka maputi nga “bisti” nga gisul-ob. Ug inyong namatikdan, Kini usa ka babaye, “libot sa dughan,” Kini adunay bisti nga nagatabon aron dili Siya maulawan; ug adunay “bulawanon nga hikot” nagbira libot niini, kana mopugong niini sa dughan. “Puti,” nagakahulogan sa pagkamatarung ni Cristo;

ug ang “bulawan nga hikot” nagapahayag sa Maayong Balita. Ang pagwali sa Maayong Balita nagadala sa Espiritu Santo sa Iglesia, ang pagkamatarung ni Cristo; maoy nagpugong niini didto, gibanganan ug pisi, ang bakos nga pisi.

⁵⁰ Ug unya Siya nagatindog sa ibabaw, “mga tiil sama sa tumbaga, nga gisunog diha sa hurno.” Ang tumbaga nagakahulogan ug Langitnon nga paghukom. Ug ang Dios, alang sa paghupay sa Iyang dakung panumpa nga Iyang gikuha, Iyang gipadala si Cristo, ug si Cristo maoy nagbayad sa Langitnon nga paghukom, ug unya ang Iglesya maoy sumbanan sa Langitnong paghukom, si Cristo nagabarug diha sa Iyang dapit. Unsa ka matahum nga hulagway, “Nagabarug diha sa taliwala sa Pito Ka Mga Bulawanon Nga Candiliro!”

⁵¹ Ug unya atong hingkaplagan nga, ang unang panahon sa iglesia, unsay anaa kanila. Pila man ang ania dinhi sa miaging gabii, tan-awon ko ang inyong mga kamot? Tinuud, maayo kana. Ang unang panahon sa iglesia, atong hingkaplagan, diha sa Panahon sa mga taga Efeso, nagabaton sila sa bautismo sa Espiritu Santo. Ug sila nagapang-bautismo sa katawhan diha sa tubig, ug sila nakabaton sa . . . Tanan matang sa mga ilhanan ug mga katingalahan naga-uban kanila nga magtotoo.

⁵² Ug alang man sa unsa, ibabaw diha sa matag panahon sa iglesia, Kini nagsugod sa pagkapawong. Sa ikaduhang hugna, ikatulong hugna, dayon hangtud ngadto sa panahon sa kangitngit. Ug unya migawas sila uban sa usa ka mini nga ngalan, uban sa mini nga bautismo, tanan sa tubig ug sa Espiritu Santo.

⁵³ Ug unya nahiabot sila, ngadto sa sunod nga panahon, ug unya nadan-agan sila ug diyotay. Ug unya adunay gipahimutang nga usa ka pultahan, alang sa pag-abli, tali sa Filadelfia ug sa Panahon sa Iglesia sa Laodicea.

⁵⁴ Ug unya ang mga taga Laodicea nakabaton ug kuwang sa kaninit ug mipadulhog sa gawas gikan Niining tanan, hangtud nga gisuka kini sa Dios gikan sa Iyang baba. Husto kana. Mao kana ang Kasulatan.

⁵⁵ Ug ang matag magsusulat ug ang matag magtotoong Orthodox nasayud nga kadtong Pito Ka Mga Kapanahonan Sa Iglesia, o kaha “Pito Ka Bulawan Nga Kandiliro,” sumala sa giingon sa Biblia, mao ang Pito Ka Mga Kapanahonan Sa Iglesia. Sama sa Daan nga Tugon nga nagatipo sa Bag-o dinhi, ug maingon nga kini migawas lang.

⁵⁶ Apan adunay dakung pagka-uyog ug usa ka pagkapukaw sa dili pa matapus ang hugna sa mga Gentil, sa dili Kini puniton pag-usab sa mga Judio.

⁵⁷ Hinumdomi, nga ang mga Gentil adunay utlanan, ang ilang panahon sa grasya. Ang Biblia nag-ingon, “Ilang pagayatakan ang pader sa Jerusalem,” si Jesus miingon, “hangtud nga

matapus na ang hugna sa mga Gentil.” Husto kana. Kini adunay usa ka tukmang takna nga nahitakda na aron sa pagtapus niini.

⁵⁸ Ug atong hikaplagan ang mga butang nga ilang gibuhat kaniadto. Atong namatikdan ang mga ilhanan ug mga katingalahan nga nag-uban kanila, giunsa ni Kristo ang pagsugilon kanila kong unsa ka talagsaon kadto, ug unsa sila kanhi. Ug unya ang nagsugod sa pagka-awop ug sa pagka-awop, ug napalong. Ug unya sa dili pa ang pagkatapus, adunay mahimo na usab nga abli nga lain nga pultahan nga giandam alang sa Iglesia. Karon mohunong kita dinhi sa dili pa kita moanha diha niana. Matikdi, atong puniton ang laing panag-na nga miabot sa akong huna-huna. Ang manalagna nag-ingon, “Aduna unya’y moabot nga usa ka adlaw nga kini dili usa ka gabii ni adlaw.”

⁵⁹ Saba ra ba ko kaayo? [Ang Congregasyon miingon, “Dili.”—Ed.] Kong mahimo ninyo, pahinaye ug diotay... Nahibalo ako nga kini mosumbalik, ug mao kana ang hinungdan nga akong gikusog ug diotay ang akong pagsulti, aron nga ang mga tawo nga anaa sa luyo makasiguro sa pagkadungog niini. Tungod, kay kini mahinungdanon kaayo.

⁶⁰ “Ug aduna unya’y moabot nga usa ka panahon, usa ka adlaw,” ang manalagna nag-ingon, “nga dili mahimong gabii o adlaw,” Sa lain nga pagkasulti, kini may kahayag, apan mahimong madag-umong, tan-awa, usa ka madag-umong nga adlaw. “Apan sa panahon sa kagabhion kini mahimong usa ka Kahayag.” Unsa ka matahum nga hulagway!

⁶¹ Karon, kon ang kabuntagon mo banag-banag na diha nianang madag-umong adlaw, kana nagpasabot nga adunay mga gubat, ug mga kagubot, ug mga kadaugan ug kapakyasan, ug mga hugna, ug mga kaiglesiahan, ug mga isms, ug bisan unsang butang. Dili kini kahayag ni kangitngit. Mao kini ang panahon nga mahibalo kita nga adunay usa ka Dios, ug adunay usa ka Maayong Balita, apan sa yano wala nila Kini hikit-i. Nahibalo ba kamo kong unsay buot kong ipasabot? Sila moingon, “Ang Biblia nag-ingon nga ilang gibuhat *kana* balik didto sa Pentecostes, ilang gibuhat *kana* sa unang Iglesia, anaay ilang mga ilhanan ug mga katingalahan, apan ang atong—atong iglesia wala magtudlo Niana.” Tan-awa, usa kini ka panganuron, dili mangitngit ni adlaw. “Apan, bisan pa, kita nagatoo kang JesuCristo. Kita nagatoo sa Iyang ikaduhang Pagbalik, ug nahibalo kita nga Siya mobalik.”

⁶² Ang Biblia nag-ingon, “Kini dili hayag ni ngitngit.” Dili mo kini matawag nga adlaw, ug dili mo matawag kini nga gabii. Apan, matikdi, “Sa panahon sa kagabhi-on motungha ang Kahayag,” sa panahon sa kagabhi-on!

⁶³ Sa dihang ang mga katawhan sa silangan... Kining maong Libro mao ang usa ka Libro sa silangan; mao ang Biblia.

Sa dihang ang unang Kahayag mibanag-banag diha sa unang Iglesia, sa Efeso, ah, atong mahinumdoman ug nakita kong unsay nagakahitabo didto; ang Kahayag sa Dios gipadala pinaagi kang JesuCristo, pinaagi sa unang pagbubo sa Espiritu Santo. Kini nagahatag ug Kahayag ngadto sa tibuok kalibutan, ug misulat sa Biblia. Husto ba kana? [Ang Congregasyon miingon, “Amen.”—Ed.]

⁶⁴ Karon Siya nagsaad, diha sa kasadpang kalibutan, ang adlaw mosubang gikan sa silangan, diha sa sinugdanan sa hugna sa grasya, ug karon ang adlaw mosalop ngadto sa kasadpan, diha sa mga katawhan sa kasadpan. Kita mao ang mga katawhan sa kasadpan. [Si Igsoon Branham mituktok sa pulpito sa tulo ka higayon—Ed.] Ug Siya nagsaad nga adunay pagkapukaw ug adunay moabot nga Kahayag sa panahon sa kagabhi-on. Ania na kita. Ang Kahayag maoy usa nga nagdan-ag, “ug ang kangitngit wala makabuntog Niini.” Mao kana. “Ang mga katawhan nahigugma sa pagbuhat ug dautan kay sa ilang buhaton ang maayo nga mga buhat.”

⁶⁵ Apan kini gitagana na aron sa pagkahulog gikan sa kawanangan didto. Ug unsa ka gamay nga Kahayag ang atong nakuha, kupti kini pagayo. Tan-awa, Kini mao ra sa gihapon nga adlaw ang misilang didto sa mga Judio, ania na karon dinhi sa mga Gentil. Tanan latas sa panahon dinhi, pinaagi niining duha ka libo ka tuig, sila nagbaton *niini*, ug *niana*, ug mga organisasyon ug mga hugna, ug *kini* ug *kana*. Ug ang mga katawhan wala mahibalo kong diin sila magbarug.

⁶⁶ Apan ang mga saad sa Biblia, ang Dios nagapamuhat, pinaagi’g profeta, nga “Sa panahon sa kagabhi-on kini mahimong usa ka Kahayag.” Kini mahimong Kahayag sa panahon sa kagabhion. Ako nagatoo nga ania na kita niini. Ang adlaw sumasalop na. Ang tanan mga kinaiyahan naga-agulo, nagdanguy-ngoy alang nianang adlaw. Timan-i.

⁶⁷ Karon atong hikaplagnan, nga, kong unsa ang anaa kanila sa unang panahon sa iglesia, nakadawat sila ug langyaw nga doctrina. Ang unang butang, kini ingon lang ug usa ka “binuhatan.” Siya nag-ingon, “Imong gidumtan ang mga buhat sa Nicolaitan.”

⁶⁸ Nahibulong ako kong unsa ang Nicolaitan? Akong gisusi kana ngadto ngari sa kasaysayan, sa makadaghan gayud, pinaagi sa pinakamaayong mga hubit nga akong hikaplagnan, ug walay bisan usa nga nakahimo sa pagsabot, gawas lamang nga kadto maoy usa ka doctrina nga kanhi nagasugod pinaagi sa tawo, si Nic, Nicolas, nga kanhi usa unta sa mga apostoles nga nahisalaag. Siya nagpahimutang ug usa ka kredo, o kaha butang pinasahi sa uban, ug gikan niadto nagasugod ang Nicolaitan. Mga buhat lang kadto, una. Ug unsa man ang mga “buhat” didto sa Efeso, diha sa sunod nga panahon sa iglesia nahimong usa

ka “doctrina.” Ug dayon misangko ngadto sa mangitngit nga kapanahonan sa mga panglutos.

⁶⁹ Karon kana mao ra sa gihapon nga Nicolaitan nga doctrina nga nagasugod dinhi niining unang iglesia, human sa unang tulo o upat ka mga panaw sa mga apostoles, kini nahimo na nga usa ka buhat. Sila nagsugod sa panghuna-huna, “Ah, ingon *kini* Niini.” Karon kamong tanan nahibalo kong giunsa niini sa paggawas, ug kamong mga magbabasa ug Biblia.

⁷⁰ Karon, kini nagasugod diha sa A.D. 600 ug . . . o kaha 306, nga maoy ilang gitawag nga maoy pagkakabig ni Constantino. Wala gayud siya makabig. Ang tawo nga nagbuhat ug mahugaw nga butang nga gibuhat nianang tawhana, wala gayud makabig. Husto kana. Ang bugtong butang nga wala gayud niya mabuhat, nga adunay bisan unsa—bisan unsang relihiyon alang niining tanan, iyang gibutangan ug krus ang Santa Sofia nga simbahan. Dili ba kana usa ka butang, para ngadto sa Langit? Padayunon ta. Iyang giinggan ang mga Kristohanon, kung muda-og siya sa gubat, mahimo siyang usa ka Kristohanon. Ug sila nanag-ampo. Ug miadto siya ug nakadaug sa gubat, o midaug sa gira, ug mibalik siya ug miingon, “Ah, moapil ako sa iglesia.” Usa ka matahum nga tipo sa dagaang nga membro sa iglesia karon. Husto kana. Gibutang ang krus sa ibabaw sa simbahan.

⁷¹ Tapus sa iyang kamatayon. . . Siya adunay duha ka mga anak nga lalake, tatlo nga kalalaki; Constantino, Constantius, ug Constans-tinople, nga mao kini ang nagsugod sa pagbuhat sa silangan ug kasadpan sa Roma, ug ilang gibahin. Ug diha niini, dayon, nahimo ang Otooman nga Emperyo, milampos niadtong panahona.

⁷² Ug unya, sila, sa mga ikaduhang panaw, o ikatulo, ika-upat nga panaw sa mga apostoles; ug unya, ang unang butang nga inyong mahibaloan, sila nagsugod sa pakiglalisay ang usag usa. Ug ilang gisipak, sa usa ka gamay’ng ism.

⁷³ Ang tanan, makahimo kamo sa pag-angkon ug simbahan . . . Didto, sa dihang kanang Wesleyan Methodist nga iglesia diha sa gahum, siya adunay gahum sa dihang si John Wesley dinhi pa. Ang Lutheran mao man, diha sa iyang adlaw; ug ang matag-usa. Apan tugoti nga kanang magtutukod mamatay, sa maka-usa, ug unya magkatibulaag sila.

⁷⁴ Sa dihang ang Ginoo mitungha didto sa una pa; sa dihang gusto nila nga magsugod na ko, nga magbuhat ug organisasyon diha Niini, ug uban nga sama niini. Mianhi ako dinhi, ug akong nakita diin si Dwight Moody, usa ka bantugan nga magtutukod, ang Moody Bible Institute. Ug naghuna-huna ko nga, “Kon si Dwight Moody magtan-aw dinhi niining Bible Institute; kong unsay gibarugan nianang tawhana, ug kong unsay ilang ginabuhat karon!”

⁷⁵ Ah, matud ko, “Tan-aw diri, tan-awa, unsa kaha kon—unsu kaha kon si Wesley, Calvin, Knox, Finney, Sankey, o Finney, bisan kinsa kanila, mabanhaw karon, ug tan-awon ilang ang iglesia kong hain na sila karon!” Ay, na! Tan-awa, sa unang panaw, sa dihang nagbarug diha ang tawo, siya naghupot sa Kamatuoran.

⁷⁶ Tan-awa si Doctor Dowie sa Ciudad sa Zion, nganong, karon, sila nangakatawa diha sa atubangan sa Langitnon nga kaayohan, sa dihang ang—ang cuidad nagsugod pinaagi niini. Apan sa pagkamatay ni Dowie, nan unsa man ang mitungha. . . Blake, John Lake ug silang tanan. Unya, ang unang butang nga imong mahibaloan, siya mituyok paglibot karon hangtud nga ang Assemblies of God nakaapil diha niini, ug ang mga usa ka dakung pundok sa mga ligdong ug bisan unsang butang. Ug ang—ang iglesia nawala ug mitalikod, ug diha sa makalilisang nga kahimtang.

⁷⁷ Busa akong hingkaplagan kini, ang Biblia nag-ingon, “Si David nag-alagad sa Ginoo ug maayo diha sa iyang kaliwatan.”

⁷⁸ Busa miingon ako, “Ginoo, wala ako magkinahanglan ug organisasyon. Tugoti ako sa pag-alagad Kanimo uban sa tibuok kong kasing-kasing, samtang ania pa ako buhi.” Husto kana. “Ang sunod, Kamo makabaton ug laing tawo kong mawala na ako. Makabaton kamo ug lain nga maoy mopuli dihang dapita.” Kana lang.

⁷⁹ Ayaw pagsulay sa pagtukod diha sa ibabaw sa uban. Dili ka makahimo sa paghaling ug kalayo diha sa samang yuta. Ang Israel nagapadayon sa pagpanaw. Sa dihang mihunong sila, namiya sila. Sila kinahanglan nga magpadayon nga maglakaw sa matag gabii; maghaling ug bag-ong kalayo sa matag gabii; padayon nga naga-uswag sa unahan. Ug mao kana ang kinahanglan nga atong pagabuhaton. Kong unsay anaa kang Luther kana maayo; kadto alang sa adlaw ni Luther. Kong unsay anaa kang Wesley kana maayo; kadto alang sa adlaw ni Wesley. Kong unsay anaa sa pagkabalaan, kadto maayo; kadto alang sa ilang adlaw. Ania kita karon sa laing adlaw. Karon kita—kita naga-uswag. Ug adunay laing adlaw tapus kanato, kini moabot nga manag sama ra. Apan maglakaw kita diha sa Kahayag samtang ang Kahayag ania na karon.

⁸⁰ Ug akong namatikdan kini, nga, didto kining maong doctrina mahimong, unang butang nga inyong nahibaloan, hangtud nga kini magkabahin-bahin ngadto sa pundok sa mga isms, ug unya ang mga Romanhon madani. Karon, ang emperyo sa Roma, sukad sa mga adlaw sa—sa unang pagpaka-angkon sa Roma midaug sa mga Gentil nga kalibutan tali sa Grecia, tapus sa pagkapildi ni Alexander nga Bantugan, maoy nahimong nasud nga magmamando sa kalibutan; ang mga katawhang Romanhon, ang panahon sa Gentil. Si Daniel nag-ingon niini, diha sa panan-awon. Moadto ra kita niana, sa usa—sa usa na

lang ka hamubong mga gutlo. Apan kini kanunay nagbaton ug gahum sa pagmando ibabaw sa tibuok kalibutan; ang Roma.

⁸¹ Ug unya atong hikaplagan diha, unya, nga ilang gihimong pundok usa ka iglesia. Usa ka pundok sa katawhan nagakahiusa, duolan sa 606, ug ilang gitawag ang ilang kaugalingon, “ang unang mga amahan,” ang mga amahan sa simbahan. Panon sa mga katawhan midugok ug nagmugna ug konseho kong unsay angay nilang pagabuhaton, ug nag pahimutang sila ug organisasyon.

⁸² Ug tugoti ako sa pagsulti dinhi, akong mga minahal nga Cristohanon nga higala, kamong duha Protestante ug Katoliko. Ug karon, ako nagatoo nga adunay akong mga higala nga Katoliko nga nagalingkod dinhi; Wala ko kini isulti aron nga pasakitan ang inyong pagbati. Tungod, niini pagpabilin lamang sa pipila ka mga gutlo, ug atong hisgotan usab ang Branham Tabernacle, tan-awa, sa pipila na lang ka gutlo. Ang Maayong Balita lamang maoy atong iwali maingon nga Kini gipahimutang dinhi. [Si Igsoong Branham mituktok sa pulpito ka lima—Ed.] Walay sapayan kong hain. . . Si Juan nag-ingon, “Ang wasay gikataon na diha sa gamot sa kahoy,” pasagdi nga ang mga sinapsap manglupad sa bisan diin sumala sa ilang gusto. Husto kana. Kinahanglan nga Iyang putlon ang mga kahoy ug mga butang.

⁸³ Apan, tan-awa, didto ilang gi-organisa ang unang iglesia. Ug sila nanagtigum ug nag-organisa ang unang iglesia, nga kanhi gitawag nga iglesia sa tibuok kalibutan, o ang iglesia Katolika sa Roma. Ug ang Katoliko nag-ingon nga siya mao ang “inahan nga iglesia.” Ug kana maoy tukma nga kamatuoran. Kini mao ang inahan nga iglesia sa organisasyon. Husto kaayo. Kini ang una, diha sa kalibutanon nga kasaysayan, nga sukad adunay iglesia nga gi-organisa; wala kanhi, sukad sa pagbanagbanag sa panahon.

⁸⁴ Hangtud sa mga adlaw sa Israel, sila wala mahimong usa—sila wala mahimong usa ka organisasyon. Sila usa lamang ka banay, dili usa ka organisasyon. Ug silang . . . Si Jesu Cristo wala gayud mag-organisa ug usa ka iglesia. Wala sa bisan kinsa nga apostoles sukad nga nag organisa ug usa ka iglesia. Ug walay panahon paubos ngadto, human sa tulo o upat ka mga kaliwatan human kanila, nga sila nag-organisa ug usa ka iglesia. Gusto ko nga inyong dalhon ang kasaysayan ug ibutang ang inyong tudlo diha niana sa . . . Ipakita kanako kong hain na kini karon. Ug akong nabasa ang kang Josephus ug ang tanan nga mga inila nga maghuhubit nga ania kanato dinhi sa kalibutan karon, nga akong nahibalo-an, tungod kay kinahanglan nga makasiguro ako. Akong gihimo kining maong pulong sa atubangan sa mga linibo ka mga katawhan; kinahanglan nga makahimo ka sa pagpaluyo ug pamatud-an kong unsay imong gihisgotan. Husto kana. Walay bisan kanus-a nga organisasyon. Ug dili . . .

⁸⁵ Ug si San Pedro wala magtukod sa iglesia Katolik. Nagkinahanglan ko ug kasaysayan, o bisan usa ka gamay nga Sinulat. Si San Pedro usa ka tawong minyo. Nag-ingon kamo nga siya usa ka papa. Siya dili papa. Si Pedro usa ka tawong minyo. Ang Biblia nag-ingon, “Ang inahan sa iyang asawa naglubog nga masakiton sa usa—sa usa ka hilanat, ug giayo siya ni Jesus.” Ug sumala sa akong nahibaloan, si San Pedro wala gayud makaadto sa Roma. Ug walay kasaysayan nga nagapakita bisan kanus-a siya didto sa Roma. Ug kana maoy usa ka sayop.

⁸⁶ Apan ilang gi-organisa ug nagpundok ug usa ka iglesia nga gitawag nga iglesia sa tibuok kalibutan. Didto ilang namugna ang pag-ampo sa tibuok kalibutan. Sila adunay hingpit nga panagkaduyog; ang matag-usa kinahanglan nga makighiusa, ang matag-usa magasulti sa mao ra nga butang. Ang mao ra nga pag-ampo maoy igalitok.

⁸⁷ Ug nanagbuhat sila ug daghan nga mga Kasulatan, gikuha nila gikan sa Biblia, daghan kanila, ug nagbuhat pa ug mga lain. Walay purgatoryo nga gihisgotan sa usa ka higayon diha sa tanang balaan nga mga Libro sa Biblia; walay “maghimaya ka Maria,” walay sulosama niana. Kini kanunay’ng supak, batok niini, bisan hain diha sa Kasulatan. Wala kini, diha sa tanan nga panahon. Ug kong makakaplag kamo sa bisan haing dapit, mahimo nga makaanhi kamo ugma sa gabii ug sawaya ko. Wala diha, wala bisan diin; dad-a ang inyong pari o pastor. Walay dapit, diha sa Kasulatan, nga sukad kini gihisgotan.

⁸⁸ Ang bugtong gamay’ng libro, sa Maccabees, nga gidugang dinhi Niini, nga dili dinihugan; ang mga butang nga ania dinhi Niini, o nga gikuha gikan Niini. *Kining* maong Biblia maoy bugtong Usa lamang. Ang. . . Kini giila sa unang mga magtutukod, o sa unang mga maghuhubit sa iglesia, o sa bisan unsang panahon sa Orthodox nga Judio, ug walay lain kondili kining Biblia nga ania kanato karon.

⁸⁹ Karon, unya, diha niana, paminaw ug maayo karon. Karon naghuna-huna ba kamo nga ang Katoliko nagkuha ug usa ka ig-gigiok? Kadiyot na lang, tan-awa.

⁹⁰ Karon, unya ilang gi-organisa ang iglesia Katolika, ug ilang gisugdan ang pagpanglutos, nga ilang mahimo. . . Kinahanglan nga inyong himoon ang matag-usa, bisan diin, ang iglesia ug ang nasud, magkahiusa, ug dad-on gikan sa paganong Roma ngadto sa papa nga Roma. Sa lain nga pagkasulti, gikan sa paganong pagtoo-too, ilang gisagop ang pagka Cristohanon sa ilang kaugalingon nga porma. Tan-awa? Dili nila hisabtan kong nganong kanang tawhana magatindog man ug mag-ampo ngadto sa walay hinungdan. Silang tanan mga pagano, busa ilang gikuha gilayon si Venus ug gipuli si Maria; ilang gikuha si Jupiter, ug gipuli si Pedro; laing matang sa estatuwa aron paga-simbahon. Karon, ug sila nanag-simba sa atubangan niana. Ug

unya nagbuhat sila ug usa ka pag-ampo sa tibuok kalibutan, nga gina-ingon kini sa Latin aron nga dili kini mapakyas, ug uban pa, sila kanunay'ng manag sama ang ilang iga-ingon.

⁹¹ Ug dili ka makahimo sa pagpakiglalis o pakiglantugi sa pari nga Katoliko, o dili Katoliko, nga ang basihan mao ang Biblia.

⁹² Usa sa milingkod, kining batan-on nga pari dinhi, mibisita sa akong balay dili pa lamang dugay. Siya miingon, “Kamong mga portestante, nagabasa kamo sa Biblia ug magpuyo lang sa balay. Kaming mga Katoliko moadto sa simbahan ug mosimba.”

Matud ko, “Apan unsa? Kana lang. Karon tubaga ako niana.”

Matud niya, “Ang Dios anaa sa Iyang simbahan.”

⁹³ Matud ko, “Siya . . . Walay bisan usa ka tulbok sa Kasulatan nga nagsulti sa ingon.” Matud ko, “Ang Dios anaa sa Iyang Pulong. Matud niya, ‘Ang tanan pulong sa tawo bakak, ug Ako ang tinuod.’”

⁹⁴ Matud niya, “Wala mo ba pamalandunga ang tibuok pundok sa kalalaken-an, nga nagakahiusa sa pagpanambag, makalabaw pa ug gahum kay sa usa lang ka tawo?”

⁹⁵ Matud ko, “Dili. Kon ang usa ka tawo anaa sa kabubut-on sa Dios, siya adunay Kamatuoran.” Kanunay'ng nagapamatuod niini.

⁹⁶ Sama kang Jehoshaphat ug Micaiah, ang mga pagtulon-an nga atong nakuha sa miaging adlaw, sa miaging Dominggo, sa dihang mitungas si Micaiah didto. Ug upat ka gatus ka mga magwawali nanagtindog, nga nag-ingon, “Tumungas ka! Ang Ginoo maga-uban kanimo. Tumungas ka! Ang Ginoo maga-uban kanimo.”

Si Jehoshaphat miingon, “Wala na bay lain pang usa dinhi?”

Siya miingon, “Anaa si Micaiah, apan akong gidumtan siya.”

Matud niya, “Atong paminawon kong unsay iyang iga-ingon.”

Matud pa, “Tungas sa ibabaw, apan akong nakita ang Israel nga nagakatibulaag sama sa mga carnero.”

Matud pa, “Wala ba ako mag-ingon kaninyo?” Tan-awa?

⁹⁷ Busa, kinsa man ang husto, diha? Samtang ang upat ka gatus ka mga binansay nga mga profeta nanagtindog sa atubangan sa tawo, ug bisan pa niana adunay usa ka gamay'ng tigulang nga nagakagidlay balaan nga nag latagaw ang nagtindog didto nagbaton sa kamatuoran. Husto kana. Kana maoy tinuod. Gibuhat niya. Siya nagbaton ug kamatuoran. Adunay tamparus diha sa iyang baba ug latos, batok niini, apan anaa kaniya ang kamatuoran.

⁹⁸ Busa walay sapayan kong pila ka daghan ang mag-ingon *niini*, o pila ang mag-ingon *niana*, kini nag-agad kong unsay MAO KINI ANG GIINGON SA GINOO. Kana maoy tinuod.

Kinahanglan nga magbarug ka sa imong kaugalingon, sa daghan nga higayon, kong buot ka nga magbarug diha sa Pulong sa Dios, apan siguroha ang pagbarug kong unsay giingon sa Ginoo.

⁹⁹ Karon, ilang gi-organisa kining maong simbahan, bantugan nga lawas, ang Katoliko nga iglesia, nga maoy nagamando sa ibabaw sa tanan nga mga relihiyon, karon, diha sa Cristohanon nga katilingban mao ang Katolisismo. Apan moingon sila, “Wala na ninyo kinahanglan . . . Wala kami . . .”

¹⁰⁰ Nag-ingon ka, “Diin man nimo kuhaa ang dili pagkaon sa karni? Diin mo man kuhaa nga ‘ang pari dili minyo?’ Diin mo man makuha kini?”

¹⁰¹ Matud pa, “Wala kami magtudlo sa Biblia.” [Si Igsoong Branham mituktok sa pulpito sa makadaghan—Ed.] Matud pa, “Ang simbahan mao ang tingog. Bisan kong unsa pa ang iga-ingon sa Biblia; kini kong unsay iga-ingon sa simbahan.”

¹⁰² Apan ang Dios nag-ingon, “Ang tanan pulong sa tawo bakak, ug ang Ako mao ang tinuod.” [Si Igsoong Branham mituktok sa pulpito maka tulo—Ed.] Karon kinahanglan nga imong gunitan ang imong pagpili.

¹⁰³ Karon, kanang Nicolaitan nahimong usa ka doctrina, ug unya nahimong usa ka pagpanglutos. Karon, ania migawas dinhi niining katapusang mga adlaw. Ug unya miabot ang usa ka tubig gikan sa nag-uga nga yuta, pinaagi sa mangitngit nga kapanahonan ug sa pagpanglutos; ug unya miabot ang pagtugot-pataas, diha sa unang reformasyon, nga mao si Martin Luther. Si Martin Luther ang misupak batok sa iglesia Katoliko, tungod niana mialsa siya ug gikuha kanang kumunyon . . .

Ug sila miingon, “Kini mao ang lawas ni Cristo.”

¹⁰⁴ Siya miingon, “Dili kini mao ang lawas ni Cristo. Ostiyas kini. Mao lamang kanang tanan.”

¹⁰⁵ Sila nagatoo nga kana maoy usa ka balaan nga yukarista, nga, “*Ang balaang yukaristiya* nagpasabut nga ‘Espiritu Santo.’ Ug kong mokaon ka niana, imong gitulon ang Espiritu Santo diha sa imong lawas.” Ug sayop kana.

Ang Espiritu Santo mao ang bautismo sa Espiritu.

¹⁰⁶ Dili, “Nga pag-abot sa Adlaw sa Pentecostes, ang usa ka pari misaka ug gihatagan sila ug ostiyas, usa ka ostiyas diha sa ilang mga dila.” Ni dili, “Magwawali ang mipaso ug miwisik-wisik ug tubig diha kanila, ug gilamano ang ilang mga kamot,” bisan gani. Dili, sir.

¹⁰⁷ “Apan adunay miabot nga tingog nga gikan sa langit sama sa usa ka dinahunog sa makusog nga hangin, nga mipuno sa tanan balay diin sila nagalingkod.” Mao kana ang Kasulatan. Mao kana kung unsay husto. Mao kana kung unsay nahitabo didto sa Iglesia, ug mao kana ang nahitabo sa dihang miabot ang Kahayag ug midan-ag niining adlaw. Diha niana diin ang

Kahayag misiak kaniadto; ug ania karon diin ang Kahayag misiak dinhi niini karon.

¹⁰⁸ Karon kong ang bisan unsang mga Sinulat, nga akong gikutlo, paga-pangutan-on, pasagdi lamang kana. . . Akong ihatag kaninyo ang dapit kong hain kana, tan-awa, diha sa Kasulatan. Padayunon ta. Dayag, na lamang nga diha sa usa ka gamay'ng panahon nga sama niini. . . Kasagaran, kong atong subayon pinaagi Niini, nagkinahanglan kita ug mga semana ug mga bulan. Sa matag Kasulatan lang, adto-on nato kini, uban sa katawhan nga adunay Biblia. Apan, kong Kini mga pangutana lang, pahibaw-a lamang ko. Padayunon ta.

¹⁰⁹ Unya, si Martin Luther. Ug unya, human ni Martin Luther, mitungha si John Wesley.

¹¹⁰ Si Martin Luther migawas uban ang katikismo, usa ka kinatibuk-an mga butang. Siya migawas uban sa bautismo, siya migawas nga mihatag sa usa ka tutulo, bautismo sa trinidad nga bisan kanus-a wala itudlo sa Biblia, wala bisan kanus-a itudlo sa Biblia. Walay bisan usa nga nabautismuhan diha sa bautismo sa trinidad, diha sa Biblia. Kong kini mao man, umari ka ug ipakita kanako kong hain kining dapita. Wala kini diha.

¹¹¹ Ang bugtong paagi nga sila gisugo sa pagbautismo, mao, "Panglakaw ug itudlo sa tanang kanasuran," Siya miingon balik didto, "ng bautismohi sila diha sa Ngalan," dili kay sa ngalan, "diha sa Ngalan; Amahan, Anak, Espiritu Santo." Ug ang mga tinun-an mibiya diha-diha ug gibautismohan ang matag-usa diha sa Ngalan ni "JesuCristo," ug, nagsugo nga kong adunay si bisan kinsa nga nabautismohan sa bisan unsa nga paagi, kinahanglan nga moduol ug magpabautismo pag- usab sa dili pa nila madawat ang Espiritu Santo. Ug nia miabot ang iglesia Katolika nga gawas. . .

¹¹² Paghatag ug usa ka dapit sa Biblia diin ang si bisan kinsang tawhana nga gibautismohan sa ngalan sa "Amahan, Anak, Espiritu Santo." Kana mahapsay ug blanko, dili ba? Sa Sabado sa gabii sa mga pangutana, akong kuhaon kini, atong tul-iron kana. Padayunon ta. Padayunon ta. Gusto ko nga si bisan kinsa nga makapakita kanako ug usa ka dapit diin nga adunay tawo nga bisan kanus-a gibautismohan sa ngalan "sa Amahan, Anak, Espiritu Santo," mobiya ako sa pulpito ug moingon nga ako usa ka tigpaka-aron ingnon. Bisan kinsa nga nabautismohan sa lain paagi, kinahanglan nga moduol ug magpabautismo pag-usab diha sa Ngalan ni "JesuCristo," aron makadawat sa Espiritu Santo. Kana maoy husto. Kana maoy giingon sa Biblia.

¹¹³ Karon, inyong nakita, maoy atong gidawat ang pangagpas inay nga ang Kamatuoran. Karon tan-awa ninyo ang Kasulatan. Ayaw pag ingon, niana nga, "Ah, si Igsoong Branham nag-ingon." Susiha ang Kasulatan karon. Kuhaa ang inyong tultolanan ug tan-awa kini. Ug unya sa diha-diha. . .

114 Inyong namatikdan, ang matag-usa kanila nga iglesia sa kapanahonan nagbaton sa Iyang Ngalan, hangtud nga miabot ngadto niining mangitngit nga panahon sa iglesia.

115 Ug, tan-awa, kana nagatipo balik sa kaniadto diha—diha sa iglesiang Orthodox. Sa pagsugod na sa pinakamangit-ngit nga panahon, sa mga Judio, sa dihang si Ahab, miusbaw sa tapus—tapus ang bantugan nga hari diha sa iyang atubangan; ug wala pa kana, ang Israel anaa pa sa matahum nga kahimtang. Ug unya si Ahab mitungha ingon nga usa ka magtotoo nga kutobra sa utlanan, usa ka dagaang nga kahimtang, ug mipahilayo ug nangasawa niining gamay nga princesa, nga si Jezebel, nga usa ka naga-simba'g dios-dios, ug gidala siya niini, ug nag-angin sa Israel sa pagsimba sa dios-dios. Wala ba kamo mahinumdom niana? Ang pinaka- maanindot nga tipo.

116 Sa dihang ang Protestantismo nakigminyo ngadto sa Romanismo, ilang gidala pag-usab ang pagsimba sa dios-dios diha sa Cristianismo, diha sa mangitngit nga panahon; tukma—tukma kaayo, sa hiyorapiya.

117 Karon bantayi sa dihang motungha na kini niining dapita. Dinhi kamo nakakuha ug unsa? Usa ka kapuli sa Espiritu Santo; usa ka ostiyas. Usa ka puli alang sa bautismo sa tubig sa Ngalan ni JesuCristo; sa Amahan, Anak, Espiritu Santo. Ilang gipulihan ang tanang butang. Mahimo nga akong kuhaon ug pamatud-an pinaagi sa Kasulatan; pulihan human pulihan.

118 Ug si Martin Luther miuyon uban niini. Si John Wesley mitungha diha-diha nga subay sa samang butang, ug miuyon uban niini. Didto walay bisan usa, sa Biblia, nga kanus-a giwisik-wisikan. Wala sukad ang ingon nga butang. Diha walay ingon niana nga butang sa Biblia, walay sugo o tugon alang niining tanan, apan inyong gitugotan kini. Husto kana. Inyong gitugotan kini. Mitungha sila ug nakuha niining gamay nga sudlanan ug asin ug iwisik-wisik kini diha kaninyo. Ngano man? Ang iglesia Katoliko maoy nagpasiugda niini, ug unya miyukbo kamo ngadto niini. Husto.

119 Usa ka tawo miingon, sa miaging adlaw, miingon, “Dili ka usa . . . Ikaw, dili ka usa ka Katoliko. Ikaw . . .”

120 Matud ko, “Dili, igsoon. Ako usa ka Protestante. Ako misupak sa butang.” Husto kana. Maingon nga usa ka ministro sa Maayong Balita, uban sa mga anak sa Dios ingon nga akong mga kandidato dinhi, alang sa Langit, ug kinahanglan nga mowali ako kanila ug molingkod sa ilang atubangan maingon nga usa ka magtutudlo uban sa mga ilahanan ug mga katingalahan, mahimong usa ako ka maut kong dili ako mobarug kong unsay tinuod. Matud ko, “Oo, sir. Akong barugan, kung kini mopatay kanako. Andam ako. Akong—Akong itudlo lamang kong unsa ang Biblia.”

121 Ug andam ako, sa bisan unsang panahon, aron sa paghisgot Niini uban kang bisan kinsa, tan-awa; tugoti siya nga mahimong papa sa Roma, o arsobispo, o bisan unsa siya. Tan-awa? Oo, sir. Husto kana. Kong sayop man ako, umari ka ug ipakita kanako. Karon, dili ako sayop, tungod kay ang akong gikutlo ang Kasulatan. Kamo. . . Dili ako magkinahanglan sa inyong basahong tun-anan. Kini mao ang Basahong tun-anan, dinhi niini. [Si Igsoong Branham mituktok maka-upat—Ed.]

122 Karon, dayon, inyong nahibaloan, sila nagsugod sa pagtungha uban niining tanan nga naandan.

Karon, sa ulahing mga adlaw, adunay moabot nga mga paglutos.

123 Karon kita, hapit na, sa Pinadayag kapitulo 13 karon, aron sa pagsugod niini. Karon kong inyong namatikdan, sa ubos niining maong kapitulo, nag-ingon, “Mitan-aw ako, ug tan-awa, usa ka Carnero nagabarug sa ibabaw sa bukid sa Sinai. . .” Dili, pasayloa ako, anaa ko sa sayop nga bersikulo, sa sayop nga kapitulo, sa ika-14. Ika-13 ka kapitulo:

. . . Ug nagbarog ako sa baybayon sa dagat, ug nakita ko ang usa ka mananap nga mapintas nga migimaw sa dagat, nga adunay napulo ka mga sungay ug pito ka mga ulo, nga sa iyang mga sungay may napulo ka mga diadema, ug sa—sa iyang mga ulo ang nga ngalan sa pasipala.

124 Unsa man ang *pasipala*? Mao “ang pag-himo’g kataw-anan niini, pagbiay-biay, sanglitanan.” Karon bantayi, siya adunay “pito ka mga ulo, napulo ka mga sungay.” Ug bantayi kong siya “mogimaw na gikan sa dagat.” Karon sa Pinadayag 17, kamong nagsulat niini dayon, 17:15, nag-ingon nga ang—nga ang *katubigan* nagpasabot “kinabag-an ug panon sa katawhan.” Busa kining *mapintas* nga mananap nagapasabot nga “gahum, dili diosnon nga gahum.” “Mananap nga manunukob mitindog gikan sa mga katawhan, ug mibarug siya sa ibabaw sa baybayon sa dagat. Ug akong nakita ang mapintas. . .”

Ug ang mapintas nga mananap nga akong nakita sama. . . sa usa ka leopardo, . . . ang mga tiil mao rag mga tiil sa oso, . . . ang iyang baba. . . mao rag baba sa leon: ug kaniya gihatag sa dragon ang iyang gahum, ug. . . ang iyang trono, ug ang dakung pagbulot-an.

125 “Ang dragon!” Adunay atong duha ka mga butang nga atong pamalandungon karon. Bantayi kining mapintas nga mananap. Kini adunay upat ka managlahi nga mga kinaiya diha niini.

126 Ug kong inyong kuhaon ang Daniel 7, kamo nga nagatimaan niini, Daniel 7. Nakita ni Daniel ang mao ra nga pananawon, walo ka gatus ka mga katuigan sa wala pa kini, nakakita ug panan-awon. Iyang nakita kadtong mga mananap,

nga managlahi, ang usag-usa, diha sa pagsugod sa pagmando sa Gentil.

¹²⁷ Ug dinhi ania na sila, nakita kini ni Juan, ug ang katapusan na sa pagmando sa Gentil, kadtong tanan upat ka mga mananap naglarawan diha sa usa ra. Sila mao ra gihapon ang karaan nga mga demonyo, mga demonyo nga naga-mando sa matag gingharian sa mga Romano, ug dayon niana, ang mga Griego, ug uban pa, padulong ngadto sa Gentil nga hugna, mitungha diha-diha ug ang tanan nanagkatagbo diha sa usa ka mananap. Atong pangitaon siya, sa laktod, ug tan-awon kong kinsa siya. Husto. Tanan kadtong, leopardo, lion, tanan mao kana, mao ang dragon. Pila man kaninyo ang nahibalo kong unsa ang dragon? Ang *dragon* naglarawan sa “Roma.” Oo.

¹²⁸ Atong—atong basahon kana. Kanang, kanang mao rag nakapalibog sa inyong huna-huna. Ihatag kanako ang Pinadayag ika-12 nga capitulo, sa makadiyot lamang dinhi. Atong tan-awon dinhi, Pinadayag 12. Karon tan-awa.

Ug sa kalangitan dihay nagpakita nga usa ka dakung tilimad-on; usa ka babaye . . .

¹²⁹ Unsa man ang gilarawanan sa usa ka *babaye*? Ang “iglesia.” Mao kini ang—mao kini ang pangasaw-onon dinhi. Kini mao ang iglesia, ang matuod nga iglesia.

. . .usa ka babaye nga nagsul-ob ug adlaw, ug ang bulan sa ilalum sa iyang mga tiil, . . .

¹³⁰ Tan-awa, ang bulan anaa sa ilalum sa iyang . . . “Ang adlaw diha sa iyang ulo, ang bulan diha sa ilalum sa iyang mga tiil.” Ang *adlaw* mao ang “hugna sa grasya.” Ug ang *bulan* mao ang “hugna sa kasugoan.” Ang *babaye* mao ang “Orthodox nga iglesia,” ug siya naga-tindog sa ibabaw sa kasugoan. Ang kasugoan nanagpangagi na, ‘tungod kay ang balaod usa ka landong sa mga maayong butang nga umalabot. Husto ba kana? Ang bulan landong lamang, sa adlaw nga nagapadan-ag diha sa bulan (husto ba kana?), nga managpadan-ag sa bulan. Ug ang balaod nailalum sa iyang mga tiil; siya human na magkinabuhi niadtong adlaw. Ug tan-awa kong giunsa siya sa pagbisto dinhi karon.

. . .ug sa ilalum sa iyang mga tiil, ug diha sa iyang ulo usa ka corona nga napulo’g duha ka mga bitoon: (Ang iglesia gipurong-purongan uban sa Doctrina sa napulo’g duha ka mga apostoles, tan-awa.)

Ug siya mabdos ug nagsiyagit, tungod sa kasakit sa pagbati, . . .tungod sa kasakit sa pagpanganak. (Mao kadto ang Orthodox nga iglesia. Bantayi.)

Ug—ug dihay usa pa ka tilimad-on nga nagpakita sa kalangitan; ug tan-awa usa ka dakung dragon nga mapula, nga may pito kabuok ulo. . .(tan-awa,

hinumdumi ang pito sa inyong hunahuna karon, “pito ka ulo,” kanunay). . . *pito ka ulo, . . . napulo ka sungay, ug pito ka buok corona diha sa iyang ulo.*

Karon, *ug ang iyang ikog nagaguyod sa ikatulo kabahin sa mga bitoon sa langit, ng sila gipanalibay niya sa yuta: ug ang dragon nagpahamutang sa atubangan sa babaye nga haduol nang mag-anak, aron iyang lamyon ang bata sa diha nga kini iyang ikaanak na.* (Tan-awa!)

Ug ang babaye nag-anak sa usa ka lalaki, nga magahari sa tanan nga nasud sa barras nga puthaw: ug ang iyang bata gidala ngadto sa Dios, nga sa iyang trono.

¹³¹ Ang iglesia nga Orthodox didto nagabarug; ang adlaw nagadan-ag niana; ang Doctrina sa napulo’g duha ka mga apostoles. Padayunon ta. Uban sa bulan nga diha sa ilalum sa iyang mga tiil, ang kasugoan, ang landong sa mga butang umalabot; ang Maayong Balita sa Kahayag nga nagadan-ag karon, ang balaod nagakahanap na sa dihang misubang na ang Adlaw.

¹³² “Siya nagbati sa pagpanganak, ug siya nanganak ug usa Anak sa Tawo,” nga mao si Cristo Jesus, “ug gisakgaw Siya ngadto sa Dios. Apan sa diha-diha dayon. . .” Mao na kini. “Ug ang dragon, nga mao ang Demonyo, nakakita sa babaye nga hapit na manganak, siya mibarug sa iyang atubangan aron nga lamunon ang Iyang Anak inigkahimugso na Niini.”

¹³³ Ug sa pagkatawo na ni Jesus, ang Emperyo sa Roma nagbuhat ug usa ka kamando-an, aron sa pagpamatay sa tanan nga mga bata gikan sa duha ka tuig ang panuigon, hangtud paubos, aron nga mapatay si Cristo Jesus. Ug gibira sa Dios ang balhibo sa carnero diha sa iyang mga mata, ug gisakgaw Siya ngadto sa Ehipto ug gitago-an Siya, sama sa Iyang gibuhat kang Moises ang samang paagi.

¹³⁴ Anaa niana kanang mapula nga dragon, ang Demonyo. Hain man ang iyang lingkoranan karon? Sa . . . Wala sa Russia; anaa sa Roma! Ug ginaingon, “Ang Demonyo mitugyan kaniya sa iyang trono ug sa iyang kagahum, ang mapula nga dragon,” dili ang Russia.

¹³⁵ Nakadungog ko sa inila nga mga ministro nga nag-ingon, “Ang Russia mao ang anticristo.”

¹³⁶ Ngano man, ang Russia walay kalabutan diha sa anticristo. Mga comunista kana. Ang kasaypanan sa mga Protestantismo ug Katolisismo nakapahimo ug comunismo. Ang katarungan nga giabog sila sa Russia gikan didto, tungod kay anaa kanila ang tanan nga salapi. Ug anaa ang tanan nga mga pag-ampo nga gipahinungod kanila nga mga santo, busa nakahimo sila ug pinakadagkung mga gambalay, ug ang tanan bahandi sa katawhan anaa kanila, ug gibangan kini sama niana. Ug ilang nakita nga walay kalainan ang ilang pagpuyo, ug walay kalainan

kang bisan kinsa sa uban pa nga ania sa kalibutan, ug ilang gisuka kini ug nagmugna ug comunismo.

¹³⁷ Karon kong inyo kong hatagan ug lain pang usa ka gabii, kon ihatag sa Dios, akong pamatud-an kaninyo nga ang comunista nagabuhat ug tukma diha sa mga kamot sa Makagagahum nga Dios, aron sa pag-bungkag sa Romano ci- . . . Ug, hinumdomi, akong gisulti kini ingon nga profeta sa Dios, ang emperyo sa Russia mohulog ug bomba atomica sa nagkalain-lain nga dapit diha sa Ciudad sa Vatican ug bungkgagon kini sa sulod sa usa ka takna. MAO KINI ANG GIINGON SA GINOO. Ug ang Biblia nag-ingon nga gikuha sa Dios ang mga tawong walay kalooy sa kasing-kasing ug gibutang sila diha sa Iyang mga kamot, ug sila mga galamiton diha sa Iyang mga kamot, “aron sa pagtuman sa Iyang kabubot-on,” ug aron sa pagpahamtang kaniya sa husto sumala sa unsay angay kaniya. Kana maoy husto. Kana mao ang Pulong.

¹³⁸ Igsoon, wala mo lang hiilhi kong unsa ka malimbungon kining mga butanga! Hinumdomi, si JesuCristo nag-ingon nga ang anticristo haduol ra kaayo hangtud nga himoon niini ang paglimbong sa mga pinili. Gina-ingon, “Karon ayaw ninyo tugoti ang si bisan kinsa’ng tawhana sa paglimbong kaninyo.” Gina-ingon, “Ayaw kamo pagsundog sa mga pagano, nga nagbalik-balik sa inyong mga pag-ampo, ‘Maghimaya ka Maria, bulaan ka, napuno ka sa grasya, ug bulahan ang. . .’” Gina-ingon, “Ayaw kamo panag-ingon sa mga pagano, nga nagagamit sa walay kapuslanan nga pabalik-balik.” Siya nag-ingon, “Ug dili usab kamo magtawag sa tawo nga ‘amahan,’ dinhi sa yuta, bisan, ni. . . maingon nga kamo adunay usa lamang ka Amahan, ug kana atua sa Langit.”

¹³⁹ Apan mitalikod kamo ug musalikway niana, bisan pa niana, inyong gibuhat kini, tungod kay kini maoy inila. Ang demonyo kanunay anaa ang pagka-inila. Mao sa kanunay kini, sukad pa sa sinugdanan, “usa ka matang sa relihiyon.” Si Cain nagbaton ug samang butang. Ania dinhi ang iyang espiritu nagalihok karon dinhi, pinaagi sa anticristo; ug ania si Abel, ang usa nga gipatay, usab. Husto kana. Hibalo-i, ug karon tan-awa.

¹⁴⁰ Kining tanan nga mga mananap, balik didto, ang tanan mipadulong ngadto sa usa ka mananap diha niini, nga gitawag nga “mapula nga dragon,” ang Demonyo.

Karon atong sugdan ang ika-15 nga bersiculo sa ika-13 nga capitulo.

¹⁴¹ Nakita na ba ninyo karon nga kanang *Roma* mao—mao ang “lingkoranan ni Satanas.” Ang adunay pito ka ulo nga mananap nga adunay napulo ka buok sungay nga gipabarug sa Bata, si Cristo nga Bata, aron nga lamyon Siya inigkahimugso na Niya. Kinsa may nagbuhat niini? Si Herodis, sa Roma; sa kanunay.

Moadto kita diha kang Daniel, diha-diha, kong may panahon pa kita, ug ang Ginoo nga nagtabang kanato, nga atong makita.

¹⁴² Maingon sa bisan hain diha sa Kasulatan, sukad sa pagsugod sa Gentil, pabalik sa Genesis, akong ikapamatuod nga ang Babelonya nagsugod sa Genesis ug matapus diha sa Pinadayag. Nagasugod didto uban kang Nimrod, ang anak ni Ham, pinaagig pagsimba sa dios-dios, aron sa pagdala ug mga larawan sa sulod, aron simbahon ang larawan. Ug kini mitungha diha-diha ngadto, ug, hilabihan ang kamalibngon niining katapusan nga mga adlaw hangtud nga makakuha ug ngalan sa pagka Cristohanon, ug, sa gihapon, magsimba'g dios-dios!

¹⁴³ Dili ba ang bantugan nga San Pablo, diha sa Ikaduhang Tesalonica, nag-ingon? Atong basahon kini, sa dili pa kita moadto sa unahan. Ikaduhang mga taga Tesalonica, ikaduhang capitulo, ug tan-awa kong unsay giingon ni Pablo dinhi. Nakita usab niya kini diha sa Espiritu, bisan sa wala pa gani kini moabot sa adlaw nga diin ania kita niini.

¹⁴⁴ Ah, na, unsa ang adlaw nga atong gipuy-an, ang kangitngit nga atong gipuy-an, ug ang mga kalalaken-an ug babayen-an nanagtapok dinhi niining paganong kangitngit ug wala gani mahibalo niini. Unsa ka—unsa ka makalolo-oy! Unsa ang adlaw nga . . .

¹⁴⁵ Si Pablo nag-ingon, “Kadtong adlaw dili pa mahiabot, hangtud nga mitabo una ang pagpanibog, ug ang tawo sa kasal-anan igapadayag.” Karon pagbantay, iyang gipaila siya nga usa ka tawo. Husto ka na? [Ang Congregasyon miingon, “Amen.”—Ed.] Si Pablo nag-ingon nga, “Siya usa ka tawo sa kalapasan, nga nagasupak ug nagapahitaas sa iyang kaugalingon sa tanan nga ginatawag nga Dios, aron siya nga pagasimbahon ingon nga Dios.” Usa ka tawo, pagasimbahon ingon nga Dios; usa ka tawo nga igabutang dinhi ingon nga matang sa pagsimba. Ug siya nag-ingon, “Kadtong adlaw dili pa moabot hangtud nga nahitabo una ang pagpanibog.” Unsa man kini? Usa ka kahintang nga dagaang sa iglesia. Padayunon ta.

¹⁴⁶ Paminaw. Tugoti ako sa pagbasa niini alang kaninyo, kung maoy gusto ninyo, Ikaduha'ng mga taga Tesalonica. Padayunon ta. Nakuha ko na ang hustong dapit karon, aron sa pagsugod, aron nga dili na kita magbasa ug daghan. “Ayaw'g itugot nga adunay tawo nga magalimbong kaninyo,” ika-tulo'ng bersiculo, Ikaduha'ng mga taga Tesalonica, ikaduha nga capitulo.

Dili kamo magpalimbong ni bisan kinsa sa unsa nga paagi; kay dili mahitabo kondili moabut pag-una, (ang Panahon sa Iglesia sa Laodicea karon) . . . ug ang tawo, (t-a-w-o, usa lang) . . . ug ikapadayag ang tawo sa sala, ang anak sa pagkawala; (ang ilis, ilis sa Anak sa Dios), anak sa pagkawala;

Siya nga nagbatok (sa kaugalingon) ug nagtubay sa iyang kaugalingon batok sa tanan nga ginganlan Dios, Kon gisimba; sa pagkaagi nga magalingkod siya sa templo sa Dios, nga maga pasandayag sa iyang kaugalingon ingon nga Dios. (Magadawat ug pangumpisal!)

¹⁴⁷ Ayaw ko'g ingna, akong higala nga Katoliko! [Si Igsoong Branham mituktok sa pulpito ka maka upat ka higayon—Ed.] Unsaon kana ninyo sa pag-ingon nga “wala kamo magtoo diha sa usa lamang ka kaminyoon; ang iglesia Katoliko naghigot sa usa lamang ka kaminyoon.” Kong walay imong kuarta, mahimo ra kana. Apan sultihan ko kamo, dinhi gayud sa akong kaugalingong katawhan; usa ka batan-on nga babaye ang naglingkod dinhi, ang inahan naglingkod dinhi, ug ang amahan, usab; ug ang laing babaye dinhi kauban niining gamay'ng bata'ng lalake. Ang babaye naminyo sa usa ka Protestante'ng lalake; nagbulag sila ug naglagyo-anay. Busa sa ingon, ang unang butang nga inyong mahibaloan, ang babaye nagminyo sa lalakeng Katoliko; ug miadto siya ug mibayad ug dako nga kantidad sa kuarta, ug mibalik, ug, “dili Siya kasal sa lalakeng Protestante, sa pagka-tinuod lamang.” Ania dinhi si Howard, akong kaugalingon nga katawhan. . .

¹⁴⁸ Bueno, dinhi niini dayon. . . Dili nako sangpiton ang ngalan. Siya adunay—siya adunay usa ka dalaga, ug ang dalaga mga kaluhaan ug unom na ka tuig ang panuigon. Ang iyang bana, iyang gibiyaan didto sa Milltown, ug mipahilayo ug nakigminyo sa usa ka Katoliko nga lalake. Ug karon miingon sila, “Kinahanglan nga mopahawa siya sa iglesia.” Busa mibayad sila ug daghan salapi, aron mobalik ug “ipabalik siya sa pagka-ulay pag-usab,” ug ipaminyo pagbalik ngadto niining maong lalake. Binuang! Ipabalik siya sa pagka-ulay? Minyo na siya, diha sa mga mata sa Dios, ug nagpuyo diha sa pagka mananapaw. Kana maoy tukma kaayo. Kana maoy KINI MAO ANG GIINGON SA GINOO, tinuod. Kaayo.

¹⁴⁹ Pagkadakung kaulawan! “Mibayad ug daghan salapi.” Mao kana ang hinungdan nga kining mga dagku'ng mga simbahan ug mga tulonghaan nga nangahimo. Mao kana ang hinungdan. Ang tibuok kalibutan. . . Wala kamo mahibalo niini, dinhi sa Stados Unidos. Kuyog kanako sa mga langyaw'ng kanasuran, makausa, ug inyong makita kini. Oo, sir. Lakaw kamo didto sa gawas, igsoon, diin sila nakabaton ug pagpakabintaha.

¹⁵⁰ Mahimong magdala ako kaninyo ug usa ka hulagway, katuohan, si Igsoon Kopp maoy nagkuha niini, ug gipadala kanako, usa ka Protestanteng magwawali, magwawali sa Espiritu Santo, nagbuy-od sa kalsada, nabutod na ug ingon *niana* kahabugona, siya ug ang iyang asawa, ug ang usa gamay'ng bata'ng babaye, nabutod na nga ingon niana ang kataas; tungod kay ilang giwali si JesuCristo, ang gahum

sa pagkabanhaw, ug aron ang katawhan mamaluwas ug makadawat sa Espiritu Santo. Ilang gipatay sila diha sa kalsada, ug wala sila ipalubong, ug gipanglud-an sila, sa daghan nga mga adlaw. Husto kana.

¹⁵¹ Didto gayud diin si Igsoon Osborn ginabantayan, ilalum sa daghan nga mga pusil, aron nga kuhaon sila. Miadto sila didto, ug usa ka . . . usa pundok sa mga pari miadto ug gipatay kining batan-on nga lalake. Ug ang asawa bag-o pa lamang nga nanganak. Ug nanlakaw sila diha sa kalsada nga sama niana, nga adunay usa—usa—usa ka kuyog nga maoy nagdala kaniya ngadto sa lubnganan, aron nga ilubong siya. Ug ang iyang inahan mikuyog, uban sa usa gamay'ng bata, naghilak, sa luyo sa patay niya'ng bana. Ug ang mga katawhan nanglantaw sa bintana, mga katawhan nga matinud-anon nga kasing-kasing, miingon, “Kong mao man kana ang pagbati sa iglesia Katoliko, mamiya ta niini.” Ug nanguyog, ang mga linibo, diha sa kadalanan. Si Igsoong Osborn adunay usa ka tigum nga madasigon didto, hangtud nga dili nila siya mahinginlan sa pagpagawas sa nasud. Hilabihan ang pagkadaghan sa mga tawo. Kana maoy labing husto.

¹⁵² Oh, pagminaut kana! Nahibalo ako nga kini usa ka dili maayong hulagway. Pagpabilin lamang sa paglingkod, akong higalang Katoliko, moabot lang kita aron sa pagbagnos sa pikas nga bahin, sa hamubong mga gutlo na lamang. Padayunon ta. Timan-i.

¹⁵³ Karon moadto na kita sa ubos, timan-i, usa ka gamay'ng dugang pa. Tugoti ako sa pagkuha niini diha kaninyo. Tingali'g may panahon pa ako, may katloan pa ka gutlo. Bantayi ug maayo. Karon mobalik ta, matag magbabasa, diha lamang sa inyong mga huna-huna, alang sa usa lamang ka gutlo, alang sa paghulagway diha sa huna-huna. Sa diha . . .

¹⁵⁴ Ang matag magtotoo nga Orthodox dinhi nahibalo nga ang paghari sa Gentil nagsugod kang Haring Nabucudonusor. Husto ba kana? [Ang Congregasyon miingon, “Amen,”—Ed.] Ang matag magtotoo nga Orthodox nahibalo niana. Ug si Haring Nabucudonusor nakakita ug usa ka panan-awon, ug si Daniel ang mihatag kaniya sa hubad. Husto ba kana? [“Amen.”] Ug kadto adunay ulo nga bulawan, nga mao ang Babilonia; ang ikaduha mao ang Medes ug Persia; ug ang sunod mao ang emperyo sa Grecia; ug dayon ang Emperyo sa Roma. Ug ang Katapusan sa Emperyo sa Roma si JesuCristo mao ang Bato nga gisapsap gikan sa bukid, dili pinaagi sa mga kamot, nga midasmag niini ug mibungkag sa larawan (husto ba kana?), ug mitabon kini sa tibuok nga yuta. [“Amen.”] Aduna bay nahibalo niana. Ang matag magtotoo nahibalo niana.

¹⁵⁵ Ug giunsa nga, dinhi sa katapusan nga mga adlaw, sa dihang ilang gibungkag kini ngadto sa mga nagkalin-laing gingharian,

ug sa uban pa, hangtud ngadto sa mga tudlo, adunay puthaw ug lapok nga kolonon. Ug kini nagapasabot, matud sa profeta, “Ug sanglit imong nakita nga ang puthaw ug ang yuta’ng kolonon dili managkasagol, ni nga kini mokaput ang usa’g-usa.” Apan sila mosagol sa ilang kaliwatan, misulay. . . Sa lain nga pagka-sulti, sila nakigminyoay diha kanila, nga maningkamot sa pag-atiman sa ilang mga anak ug unya magbulag, tungod sa gahum nga, ingon niana. Ug nahibalo kamo nga kana mao ang kamatuoran. Apan, ang usa sa nakapugong, kini adunay, ug kamong mga katawhan mipasignunot’ dayon ngadto niini, “Oh,” ingna, “kahibulongan kini.”

¹⁵⁶ Tan-awa kining Stevenson, unsa ang iyang ngalan kanunay, hangtud dinhi. Karon ang iyang. . . hangtud dinhi. Kinsay iyang ngalan? Nalimot lang ko. . . Ang lalake dinhi, nga maoy nagpasi-ugda sa tanan niining pagsamok-samok dinhi sa palibot. [Gisulti sa congregasyon ang ngalan—Ed.] Husto kaayo. Oh, na!

¹⁵⁷ Ang Estados Unidos nalata na ang lintunganay niini. Oo, sir. Mapamatud-an ko kaninyo ang tukma’ng panahon kong kanus-a. . . Kining babaye dinhi, balik ngadto sa Pinadayag 12, sa dihang ang. . . Ang iyang anak nga Lalake gisakgaw ngadto sa Trono sa Dios, ug, sa dihang nahitabo kini, ang babaye mikalagiw ngadto sa kamingawan, diin siya didto pagatilogan sulod sa usa ka libo duha ka gatus ug kan-oman ka adlaw, aron sa pagpahaum sa pitsa sa Plymouth Rock, haum kaayo, diin ang iglesia mianhi dinhi alang sa kagawasan sa relihiyon, ug napahimutang siya dinhi.

¹⁵⁸ Ug atong pagabasahon ngadto sa ika-13 nga capitulo sa Pinadayag dinhi, ug tan-awa dinhi sa ika-15 nga bersiculo. Ug, karon, sa makadiyot lang, gusto ko nga mobalik una sa dili dinhi pa kana, ug atong makita dinhi kong hain kadtong nagatindog dinhi Siya sa daplin sa dagat. Karon kong makita ko lang ang dapit, kong diin, sa ika-11 nga bersiculo.

Ug nakita ko ang lain na usab nga mananap nga mapintas nga migimaw sa yuta; (dili kong gikan-gikan sa tubig). . .

¹⁵⁹ “Gikan sa yuta.” Nan, ang kabaga ug panon sa katawhan mao ang tubig, nan kini maoy walay katawhan, ang Estados Unidos.

. . . ug duna siya’y duha ka mga sungay sama sa usa ka cordero, . . .

¹⁶⁰ “Duha ka mga sungay sama sa usa ka cordero,” dili usa ka cordero. Unsa man kini? Kini mao ang atong buffalo sa America. Sigurado. Tan-awa, didto atua siya, “duha ka mga sungay sama sa usa ka cordero.” Apan diay unsa man ang iyang gibuhat? Siya adunay kagawasan sa relihiyon, una; naglihok siya nga sama sa usa ka cordero, misulti nga sama sa usa ka cordero. Apan, hinumdomi, wala gayud siya mamahimong usa

ka guwang nga lalakeng cordero. Siya usa ka nating cordero. Kining maong nasud usa ka gatus ug kalimaan lamang ka tuig ang kaguwangon, nahibalo ba kamo, usa lamang ka nating cordero.

. . . *ug unya misulti siya sama sa dragon.*

Ug nagabuot siya sa tanang pagbulot-an sa nahaunang mananap nga mapintaas sa iyang atubangan, (ang mapulang dragon), ug ginasimba niya ang yuta, ug ang nagapuyo niini sa, nahaunang mananap. . . kanang samad, nga ikamatay, naayo na. (Tan-awa!)

Ug—ug nagabuhat ug dagkung mga ilahan, lakip ang Kalayo sa langit ginapakanaug niya. . . (Ang bomba atomika, ug hydrogen; alisto, utokan nga nasud, ug uban pa, nga naglimbong sa mga kanasuran pinaagi niining mga butanga.)

¹⁶¹ Kining Estados Unidos musangko ra sa panahon nga ang iglesia ug ang nasud magkahiusa. Ug ang mga Protestante ug ang Katoliko managdungan sa pagpanglabay sa ilang mga butang, aron sa pagpakig-away sa comunista. Ug kini tukma kaayo nga nagdula diha sa mga kamot sa Dios nga gikaingon na karon dinhi.

¹⁶² Ug kamong mga Protestante nga nagalubog diha sa unahan, maayong pagkahinanok, nagabasa ug mga magasin bahin sa gugma inay nga ang inyong Biblia! Sa gawas, nagasuroy-suroy bisan diin, ngadto sa mga salo-salo, inay nga sa mga tigum sa pag-ampo bisan hain; magtabi—tabi ang usa ngadto sa usa bahin sa mga karaang talamayong mga butang *nga* walay hinungdan kaayo. [Gipitik ni Igsoong Branham ang iyang tudlo—Ed.] Angay unta nga muluhod kamo sa inyong mga tuhod bisan hain, kong hibalo pa kamo kong unsay buot ipasabot sa Eternidad.

¹⁶³ Hibaw-i, sa dihang, si Haring Nabucudunor, niadto sa sinugdanan, sa pagsunod na sa panahon sa Gentil. Atong bantayan kong giunsa niini sa pagsulod. Ug ang paagi sa pagsulod, inyong hikaplagnan nga kini migula sa samang paagi. Nahibalo kita nga dihay sinugdanan ang panahon sa grasya alang sa mga Gentil, ug usa ka katapusan sa panahon. Husto ba kana? [Miingon ang Congregasyon, “Amen.”—Ed.]

¹⁶⁴ Karon bantayi, sa dihang si Haring Nabucudunor. . . sa dihang gipadala si Daniel didto, usa ka profeta nga puno sa salabutan, sa dihang ang uban nga nahibilin nga mga Judio gipanagdaug ug nagayukbo na ngadto sa mga Romanhon. . . o ngadto sa mga taga Babelonya. Apan didto may tulo, upat ka mga lalake; tulo (Shadrach, Meschach ug Abednego), ug si Daniel, nga may tumong sa ilang mga kasing-kasing nga moalagad sa Dios. Ug unya sa paglabay nila kang Shadrach, ug sa uban pa, diha. . . Ug si Daniel nahimong usa ka inila nga tawo, ug sa atubangan ni Haring Nabucudunor ug ni Belshasar, ug sa

uban pa. Sa dihang nahimo siya nga usa ka bantugan nga tawo, karon bantayi, si Haring Nabucudonosor nagbuhat ug usa ka larawan nga bulawan ug gipahimatung kini didto sa kapatagan, ug miingon nga kinahanglan nga matag-usa moyukbo ngadto nianang larawan.

¹⁶⁵ Napamalandong ba ninyo ang pagkainosenti niini, kong kang kinsang larawan ang ilang gibuhat? Kang Daniel kadto, ang larawan sa usa ka tawo. Ug wala ba siya mag-ingon, “ang mga espiritu sa mga dios,” pagano? Ug maingon man kita sa gihapon karon, nagbaton ug tulo o upat kanila. “Ang mga espiritu sa mga dios nagpuyo diha kaniya,” ug nagbuhat sila ug larawan ni Daniel. Ug miingon siya, “Tanan nga dili moyukbo ngadto nianang larawan, igalabay diha sa hudno nga kalayo.” Bantayi ninyo, si Daniel wala na sa eksina niadtong panahona. Nakuha ba ninyo kong unsay akong buot ipasabot? “Ug si bisan kinsa nga dili moyukbo ngadto nianang larawan pagaputol-putulon nga mapino, o itambog ngadto sa langub sa mga lion, o sunugon sa hudno nga kalayo, o sa usa ka matang, sa silot.”

¹⁶⁶ Mao kana ang pagsugod sa hugna sa Gentil, uban sa paganong matang sa pagsimba, uban sa paglutos aron sa pagpayukbo kanila ngadto niini. Ug ang Biblia nagtagna nga kini matapus sa samang paagi, “usa ka balaang Tawo,” si JesuCristo; usa ka larawan alang Kaniya, aron nga simbahon kini, ug uban pa.

¹⁶⁷ Nahinumdom ba kamo, diha sa Foxe nga libro sa mga sinakit, nagunit sila ug usa ka crusifeho sa ilang atubangan, butangan ug usa ka toro'ng baka ang matag bukton nga ingon niana, ug moingon. . . Kong dili mo isalikway, isalikway ang Protestanismo, ug mahimo ka nga usa ka Katoliko ug “muhalok niining crusifeho.” Ilang sugdan ang pagpalakaw sa toro'ng baka nga magbulag ug dalan, ug usa ka dalan, ug unya birahon sila nga magbirahanay. Ilang gipangsunog sila diha sa mga usok. Ilang gibuhat ang bisan unsa. Nahiadto ako sa karaang lubnganan; nahibalo ko kong unsay akong gipanulti. Ug, tan-awa, nga kana, maoy husto. Ug didto sila nanaghay-ad. Ug timan-i kong giunsa nila ang pagkasinati sa mga kasakitan niadtong nga adlaw sa wala pa si Martin Luther. Sumala usab, sa Biblia.

¹⁶⁸ Karon hibaw-i pag-usab karon. Karon buot ko nga inyong mamatikdan ang usa ka dakung butang. Giunsa sa pagkabungkag nianang gingharian sa Babelonya? Usa ka gabii sa dihang miadto sila didto ug gipanguha ang mga balaan nga cupa sa Dios, ug misugod pag-inum ug bino diha niini; nanagsugod ug usa ka aligring yugto, ug mikuha'g daghang mga babaye didto sa gawas, mga kaipon-ipon, ug nanagsayaw ug nanaghudyakaay ug usa ka aligring yugto. Husto ba kana? [Ang Congregasyon miingon, “Amen.”—Ed.] Niadtong taknaa adunay usa ka kamot nga misulat diha sa bongbong, “*Mene, Mene,*

Tekel, Upharsin.” Husto ba kana? [“Amen.”] Ug nanggula sila ug ilang gipanguha ang tanan nilang mga chaldeanhanon, ang ilang mga utokan nga mga tawo, ang mga sakop sa iglesia nga mga dagaang, ug walay usa kanila nga nakabasa niini. Husto kana.

¹⁶⁹ Apan adunay laing usa ka tawo diha nga makahimo sa pagbasa sa dili masabot nga sinultihan, hallelujah, makahimo sa paghubad niini. Nakita ba ninyo kung unsa’y akong ipasabot? Makahimo siya sa paghubad ug dili masabot nga pinulongan. Mao kana ang paagi nga kini nahitabo.

¹⁷⁰ Mao kana ang paagi nga ang babaye mogula karon, uban sa gahum sa Espiritu Santo nga anaa sa ibabaw sa katawhan kinsa nga puno sa bautismo sa Espiritu Santo, nga nagabaton ug gahum ug mga ilhanan ug mga katingalahan. Diha niana migula ang Iglesia sa Gentil. Didto mao ang mga nahabilin.

¹⁷¹ Mao kini ang nahitabo kung giunsa sa pagsulod niini, mao kadto ang nahitabo kung giunsa niini sa paggawas, tukma kaayo, usa ka pagpangyukbo ug pagpamugos ngadto sa usa ka relihiyon nga ang katunga pagano. Ug ang Dios milakang pasulod diha sa katapusan nga takna ug misulat niini sa dili masabot nga pinulongan, ug gihubad kini sa tawo. Makahimo siya sa paghubad. Wala siya mahibalo nianang maong pinulongan; walay si bisan kinsa nga mahibalo niini. Apan adunay iyang mao ra nga Espiritu Santo, nga maoy nagtudlo kaniya sa paghubad niana, mao sa gihapon nga Espiritu Santo ang ania sa Iglesia karon.

¹⁷² Gitawag ninyo Kini nga “fanatismo.” Akong dawaton nga adunay ilang daghan nga ingon niini. Apan, igsoon, adunay usa ka tinuod didto niana, usab. Husto kana, usa ka tinuod usab didto. Ang Yawa kutob sa iyang mahimo moitsa sa bisan unsa’ng panumotumo, sa tukma gayud nga paagi, aron ka malibog. Ug kon wala ka na maghuna-huna sa Dios dayon lingkod basaha ang imong Biblia, ug pag-ampo ug pangayo sa Dios, unya kini nagpakita nga dili na ikaw intresado sa imong kalag.

¹⁷³ Pahawa dayon diha niana ug ingna, “Dios, dili ko tagdon bisag pila pa kabu-ok paon sa guwang nga uwak nga Imong ibutang didto. Nakita ko na ang Imong Biblia nga misulti niini, ug nakahukom na ko!” Husto kana. “Nagsaad ka niini kanako, ang kaliwat ni Abraham.”

¹⁷⁴ Ang Dios nagtawag kanimo, moduol ka diha Niini; apan kong dili, bisan unsaon mo pa ang pagka relihiyoso mawala ka, mao lang kana, dili ka makahimo pagduol. Walay si bisan kinsa nga makahimo, gawas kong gitawag ka Niya. Ug dili Siya buot nga adunay malaglag, apan ang kadaghanan kaninyo tungod kay nahingapin ang inyong pagkawalay pagtagad mahitungod Niini.

¹⁷⁵ Ug mamiya kamo ug makakita ug usa ka gamay’ng pagka fanatico, usa ka gamay’ng landong, “Ah, si Doctor nga si

Pulano—ug—pulano nag-ingon *niini—ug—niini*, ug uban pa.” Ug unya mobiya kamo ug manamastamas sa Balaan nga Espiritu, nga nahibalo man unta kamo nga kana maoy tinuod, ug kini dili na gayud mapasaylo pa.

¹⁷⁶ Mahibaloan na ninyo sulod sa hamubong mga gutlo kong unsa ang marka sa Yawa, kong unsa ang—unsa ang timbri sa Yawa, ang marka sa mapintas nga mananap. “Bisan kinsa nga magasulti batok sa Balaan nga Espiritu, siya dili na gayud mapasaylo pa, dinhi niining kalibutana, o sa kalibutan nga umaabot.” Bantayi ang unang iglesia, kong unsay ilang gibuhat. Bantayi pag-ayo, ang mahitungod niining, ikaduhang iglesia! Mahimong imong matimbrihan ang imong kaugalingon sa gawas sa Ginghamarian sa Dios, ug ngadto sa Yawa; sa gawas dinhi niini “walay kapasayloan, dinhi niining kalibutan, ni sa umaabot.” Sa pagkatinuod. Busa, pag amping, pagkalaw nga matinahuron. Pag-amping kong unsay imong ginabuhat, tungod kay wala ka mahibalo kong unsay magakahitabo.

¹⁷⁷ Karon, nakakita na kita niini karon nga nagtipon-ug na diha. Adunay kaluhaan ka gutlo na lamang ang akong nahabilin. Buot ko nga uban kanako ablihan ninyo diha sa Pinadayag, ika-17 nga capitulo, aron sa pagtapos niini sa hamubong panahon na lamang. Karon atong hapakon ang dalan paingon sa gipadulngan. Paminaw ug maayo. Basaha uban kanako. Buksi ang inyong mga Biblia ug pangandam sa pagbasa. Kini kinahanglan nga muselyo niini.

¹⁷⁸ Hinumdomi, nga dunay duha ka timbri; ang usa mao ang pagbiya, ang laing usa mao ang Espiritu Santo. Ang usa marka sa Yawa.

¹⁷⁹ Hinumdomi, nga akong gisulti kini, nga ang unang iglesia Katoliko. . . Karon, karon mga katawhan nga mga katoliko, lingkod nga inubanan sa pagtahod sa hamubong mga gutlo. Ang unang iglesia Katoliko nagmugna sa ilang kaugalingon nga panghuna-huna bahin sa maong butang. Sila nagbaton ug mini nga doctrina, sa balaan nga yukaristiya, sa pagkaon sa usa ka ostiyas nga maoy gipuli sa bautismo sa Espiritu.

¹⁸⁰ Ana mga Protestante misagop sa paglamano sa kamot, o kaha naghimo ug panumpa; silang duha pulos sayop, sumala sa Pulong sa Dios. *Kini mao* ang dibuho. Miabot sila ug mamautismo, sa “Amahan, Anak, Espiritu Santo,” nga bisan kanus-a walay usa ka tulpok sa panahon nga adunay bisan kinsa nga nabautismohan nianang paagiha; nga sa pagkatinuod gayud nga ka pagano, ang bautismo sa Katoliko. Ug ilang gidawat kini, ug miingon, “Kamo mga Protestante yukko kamo sa among bautismo.”

Miingon ako, “Nganong gibuhat man ninyo kini?”

¹⁸¹ Miingon, “Ang iglesia Katoliko adunay gahum sa pag-usab sa bisan unsa nga Kasulatan kong gusto nila.”

Matud ko, “Kana usa ka bakak.”

Siya miingon, “Nan nganong miyukbo man lagi kamo niini?”

¹⁸² Aha, ug unya mihilom kamo. Dili ako! Wala ako magatoo niini. Kini mao ang Pulong sa Dios. Husto kana. Kong ang katawhan gusto nga mokuyog, pasagdi lamang sila. Gikasugilon ko na ang Kamatuoran. Husto kana.

¹⁸³ Hibaw-i, ug unya nanagpanggula sila uban nilang tanan, ang iglesia, miipon sa ilang karaang katisismo ug sa tanan nga butang didto. Unsa ka daku’ng pundok sa mga binuang ug walay pulos! Ug kini manganak ug binilyon ka mga dili matinuohon, ug maluya nga pamaagi . . .

¹⁸⁴ Mao kini ang Yawa, sa sinugdanan. Ug akong ikapamatuod kaninyo nga ang Biblia nag-ingon dinhi, “Ang tibuok nga kalibutan nahibulong sa mapintas nga mananap sa iyang gahum; nga ang kaniadto, dili ang sa karon, mao ang.” Giunsa ang pagkahimo niini, “kaniadto; ug dili mao”? Ginaingon, “Ang tibuok nga kalibutan nahibulong mahitungod niini.”

¹⁸⁵ Sa dihang ang paganong Romanhon nahimong papa nga Roma, kini wala na gayud mahunong. Ang sistema sa Romanismo nahunong; sa dihang ang bag-ong hari moabot na niini, magpahimutang lang siya ug bag-ong lagda. Apan kong kini mahiadto na sa paganong Romanhon, pinaagi sa iglesia Katoliko, pinaagig papalismo, wala na gayud kini mohunong. Kon ang usa ka papa mamatay, ilang pulihan ug laing usa; usa ka papa mamatay, ilang palingkuran ang laing usa. “Ang mapintas nga mananap nga mao ang kaniadto, nga dili kini mao, ang sa karon; nga dili mao, nga mao ang umalabot; nga . . . mopadulong ngadto sa pagkalaglag.” MAO KINI GIINGON SA ESPIRITU SANTO, pinaagi’g Kasulatan.

¹⁸⁶ Karon, paminaw “Ug dihay mitungha nga usa . . .” Pagbantay na kamong tanan karon, ang ika-17 nga capitulo.

Ug miabot sa ang usa sa pito ka mga manolunda, nga may pito ka mga panaksan, (mao kana ang katapusang mga panaksan, nga giyabo), ug nakigsulti kanako, nga nagaingon . . . Umari ka; ipakita ko kanimo . . . ang pagkahinukman sa silot sa dakung bigaon nga nagalingkod sa ibabaw sa daghang mga tubig:

¹⁸⁷ Bantayi ang Pinadayag 12. Kadto maoy usa ka ulay nga babaye. Siya maoy tinuod nga dalaga. Labihan kaanyag niya nga nagbarug!

¹⁸⁸ Apan adunay usa dinhi nga gitawag nga usa ka bigaon, “b-i-g-a-o-n,” nagpasabot nga usa ka dili . . . Unsa kana? Atong simbahon kini . . . o kaha tukion kini.

¹⁸⁹ Pasayloa ako. Paspas ra kaayo; sa akong paghuna-huna nga may napulo’g lima na lamang ka gutlo ang nahabilin. Sa ingon

mopabilin pa ako ug laing takna, busa pagpabilin lang. [Ang Congregasyon miingon, "Amen."—Ed.]

¹⁹⁰ Tan-awa. Padayunon ta. Tan-awa, atong tukion kini karon. Siya usa ka mahugaw'ng babaye. Unsa man ang usa ka bigaon? Gikaligut-gotan ko ang paglitok sa maong pulong, apan kini maoy nahisulat dinhi sa Biblia. Usa kini ka babaye nga nagpakaaron-ingnon nga usa ka maayong babaye, apan nakighilawas sa laing lalake. Karon, kon ang babaye nagkahulogan man sa iglesia, nan kini usa ka iglesia nga nagpakaaron-ingnon nga usa ka Cristohanon, ug uban sa laing mga butang nakighilawas. Husto ba kana?

¹⁹¹ "Ug siya nagalingkod sa ibabaw sa daghang mga katubigan; kinabag-an ug panon sa katawhan." Basaha ang. . . ang bahin sa ika-15 nga bersiculo ug inyong nakita kana, tan-awa. O kaha, sa ika-17, subaya lamang diha. Makaabot ra ta diha niana sa pipila na lang ka gutlo. "Ang babaye nga nagalingkod sa ibabaw sa daghang mga katubigan; ang bigaon." Unsang pagkabutanga! Karon kong adunay atong mga adlaw human sa mga adlaw, mahimo ko nga kuhaon kanang bayhana ug subayon siya gikan kang Cain hangtud sa Pagbalik sa atong Ginoong Jesus, ug ipamatuod kaninyo nga siya mao ang unang nag-organisar ug usa ka iglesia. Siya mao ang inahan sa organisasyon. Bantayi, "Ug ang babaye nga naga lingkod sa ibabaw sa daghang mga katubigan. Sa ibabaw, sa daghang mga katubigan."

Karon sa ika-2nd bersiculo.

. . . nga kaniya ang (mga hari) nakighilawas ang mga hari sa yuta, ug ang nagapuyo sa yuta nangahubog sa vino sa iyang pagpakighilawas.

¹⁹² Sa laing pagkasulti, siya nagpakaaron-ingnon nga usa ka Cristohanon nga iglesia; mahabog, matahum. Bantayi kong giunsa siya pagbisti, sa hamubo na lang nga gutlo, uban sa mga perlas ug bulawan ug mga bato. Sila magaingon, "Kinsay makatupong kaniya?"

¹⁹³ Ug diha sa iyang kamot adunay cupa, nga puno sa "bino sa iyang pagkamakig hilawason," ang iyang kahugawan, iyang doctrina nga gihimo niya ang mga hari, oh, sa usa lang ka gamay'ng pag-ampo ug "i-ampo ko kamo nga makagawas sa purgatoryo," ug kining tanan mga butang. Mao kana. Anaa ka ra. Pulong sa Dios kanang akong gibasa. Tan-awa, "Ug gidala ako niya didto sa. . ." Karon atong tan-awon, ug naghimog bino. . . Tinuod kana, ang ika-tulong bersiculo karon. Padayunon ta.

Ug diha sa Espiritu ako gidala niya ngadto sa kamingawan: ug nakita ko ang usa ka babaye nga nagakabayo sa usa ka. . . mananap, . . . ("Mapula," dato, ang labing dato nga iglesia sa tibuok kalibutan.)

¹⁹⁴ Sila nanagsinggit dinhi, "Kinsay makahimo sa pagpakiggubat kaniya?" Adunay usa ka tawo dinhi sa kalibutan,

bugtong usa ka tawo dinhi sa kalibutan, sa tibuok nga kalibutan, nga nagabaton ug gahum maingon sa panan-awon ni Haring Nabucudusor. Silang mga napulo ka mga tudlo nagalihok sa matag. . . Kanang badlis sa puthaw sa Roma migawas sa matag nasud sa kalibutan. Wala nay laing tawo dinhi sa kalibutan nga nagbaton ug pulong sa pagpatuman nga ang papa sa Roma anaa. Si Presidente Eisenhower makahimo sa pagsulti dinhi sa Stados Unidos, ug kana mao ang balaod; apan adunay laing nasud nga mahimong iyang kasultihan, ug kini walay mahimo. Apan ang pangkagamhanan sa Katoliko makahimo sa pagsulti diha sa Roma, ug ang matag nasud mosinggit niini. Husto kana. Mao kana siya. Karon atong tan-awon kong hain siya karon, ug tan-awon kong mao ba kana siya o dili, tan-awon kong husto ba iyang hulagway dinhi. Padayunon ta.

. . . ug didto akong nakita ang usa ka babaye nga nagkabayo sa usa ka mapintas nga mananap nga mapula, (sangkap) nga napuno sa ngalan nga mapasipalalon. . .

¹⁹⁵ Mini nga bautismo; mini nga ekonomiya; nagaguyod sa mga katawhan nga binutahan, nga naga-ingon kanila nga mo-adto lang makahimo sila sa simbahan, nga magakompisal, ug sa uban pa, magbuhat at ug usa ka “Maghimaya ka Maria,” nga magpinitensiya. Walay kabuot! Walay kapuslanan! Wala ko makakita’g unsa nga katawhan, nga maayong lungsuranon ug buotan, patuohon lamang sa mga butang nga ingon.

. . . adunay pito ka mga ulo. . .

¹⁹⁶ Anaa ka na usab, kining mao ra sa gihapon nga demonyo nga naglangkob sa tanan, ang mapula nga dragon, ang mapintas nga mananap ug ang bisan unsang butang, adunay “pito kabuok ulo; ug napulo kabuok sungay.”

¹⁹⁷ “Ug ang babaye,” ang babaye, karon, ang iglesia. Karon, ang *mapintas* nga *mananap* mao ang “gahum” nga iyang gibatonan, ang iglesia Katoliko Romano, apan ang gahum sa Romano Katoliko. Apan, ania karon ang iglesia nagasulti.

Ug ang babaye nagasul-ob sa pur-pura ug grana, ug nagandayanan sa bulawan ug mga bato nga hamili ug mga manindot nga mutya, ug may copa nga bulawan sa iyang kamot nga puno sa mga kangil-ad mga kahugaw sa iyang pagpakighilawas:

¹⁹⁸ Mao kana siya; ug ang uban nga iglesia nga inyong nahibaloan. Dili ba? Kinahanglan nga anaa siya diha; gihulagway na siya. Basaha lamang pagpadayon ug atong makita kong kinsa siya.

Ug diha sa iyang agtang nahisulat ang tinago nga ngalan, MISTERYOSONG, BABILONIA NGA BANTUGAN, ANG INAHAN SA MGA BABAYENG BIGAON, UG SA MGA KANGILARAN SA YUTA.

¹⁹⁹ Padayunon ta, mga Protestante, dinhi niini diin kamo mapiit. Inyong gidawat nga siya usa ka bigaon, apan siya mao ang “INAHAN” (sa unsa, sa mga anak nga lalake?) “SA MGA BABAYENG BIGAON.” Kana sila mga *kababaye-han*. Husto ba kana? [Ang Congregasyon miingon, “Amen.”—Ed.] Nan kana mga *kaiglesiahan* diay. Husto ba kana? [“Amen.”] Siya diay mao ang inahan nga iglesia. Di ba siya? [“Amen.”] Diin man gikan si Martin Luther? Sa Katolisismo. Diin man kining tanan nga mga gilumluman manggawas? Sa Katolisismo, nga nagadala sa ilang mao ra sa gihapon nga doctrina, ug miyukbo kamo ngadto niini.

²⁰⁰ Karon, ang labing talamayon nga babaye dinhi sa Jeffersonville makahimo sa pagpanganak ug maayo, matuod, ulay nga babaye, husto kana, ug siya makahimo sa paglakaw nga matul-id kong maoy iyang tinguhaon. Ug mao usab kana ang gibuhat sa Lutheran nga iglesia, ang Methodist, ang Baptist, ug ang Presbyterian, ug sa uban pa; sila naglakaw nga matarung sa pipila lang ka higayon, sa dihang ang ilang—sa dihang ilang mga magtutukod didto nagwali sa Maayong Balita ngadto kanila. Apan karon sila nanagpangadto na sa sinihan, sayawan, television, tabako, mobuhat ug bisan unsang butang, (nahibalo kamo nga kini mao ang kamatuoran!), panahon sa Dominggo anaa ra sa balay. Unsa man kini? Tungod kay ang inyong pagkamananapaw maoy naglihok sama sa iyang inahan. Kana maoy tukma kaayo. Kana maoy tukma kaayo.

²⁰¹ Karon atong tan-awon kong diin magpahiluna ang kolor. Ang Biblia nag-ingon nga siya mao “ANG INAHAN SA MGA BIGAON.” Ug ang matag-usa nahibalo nga nga kana mao ang paganong Roma, o Misis papa nga Roma, ang iglesia Katoliko. Sa usa na lang ka gutlo, Akong ipakita kaninyo, sa kahimtang nga gipahiluna siya dinhi sa yuta, sa tukma gayud kong diin siya magalingkod. Husto. Kong hain siya karon ug kong si kinsa siya, ang Biblia nagsulti sa ingon. Dili ako; ang Biblia! Ug nag-ingon nanganak siya ug daghan mga anak nga babayeng kaiglesiahan nga liwat kaniya. Padayunon ta, karon, ang Methodist, ug Baptist, ug Lutheran, ug uban pa, nakita ba ninyo kong hain kamo padulong, sa “INAHAN SA MGA BABAYENG BIGAON.” Husto ang ilang pagkinabuhi, apan sa dihang ang Kahayag nagsugod na pagdan-ag. . .

²⁰² Kini sama sa panon sa mga ok-ok sa panahon sa ting-init. Pasiga-a ang suga, diha sa kadalanan diin ang mga ok-ok nagkaon sa agungal nga dunot na o maingon ingon niana, ug pasigaa ang suga ug bantayi sila nga nahayagan kay motago kini kutob sa ilang mahimo.

²⁰³ Pagwali sa Maayong Balita, o sa Bautismo sa Espiritu Santo, ngadto niining mga karaang nagsunod sa kalagdaan, dili diosnon nga iglesia; ug bantaye sila, “Kita dili motoo sa butang ingon niana. Dili ako motoo diha nga walay. . .” Ngano?

Nahibalo ka kong unsa ka, sa sinugdanan. Husto kana. Husto kaayo kana.

²⁰⁴ Walay akong gisulti nga supak sa inyong iglesia; igsoon, adunay inyong katawhan diha nga maoy mutya. Walay akong gisulti batok sa mga katawhang Katoliko. Gihigugma ko ang katawhang Katoliko sama nga akong gihigugma ang katawhan sa Branham Tabernacle. Dili kong kamo, higala, ang akong tumong sa pag singgit. Dili kong kamo, Methodist, ug Baptist, ug Branham Tabernacle. Dili kong kamo kana ang akong gisinggitan. Ang sala nga inyong gitugotan ang yawa nga ipapapas-an kaninyo! Kana tungod kay kamo muadto sa simbahan, nga inyong gihuna-huna nga kamo nangalawas.

Si Jesus miingon, “Gawas kung ang usa ka tawo ihimugso sa tubig ug sa Espiritu, dili siya makasulod sa Ginghamarian.” Ug sa diha nga imo nang madawat ang bautismo sa Balaang Espiritu, “Kining mga timailhan maganunot nila nga nanagtoo.” Kana walay lipud-lipod, igsoon, apan kana sa Prangkahanay gikan sa Biblia. Si Jesus wala mag-ingon, “Tingali kining mga timailhan monunot sa uban.” Siya nag-ingon. “Sila maganunot nila.”

O, moingon sila. “Karon, ako nagtoo nga kana alang lang sa mga apostoles. Ako nagtoo nga adunay usa lamang ka pundok ang apostoles, ug kadto mao kadtong tua sa sinugdan.”

²⁰⁵ Ug ang atong pinaka pagtulon-an nato niadtong miaging gabii, “Siya adunay pito ka mga bitoon diha sa Iyang kamot,” ug ang matag bitoon igahatag alang sa panahon sa iglesia aron mahimong Kahayag, tinuod; mao ra sa gihapon nga adunay apostol *niana*, adunay apostol *diha*, ug usa ka apostol *diha*, ug usa ka apostol *didto* “nga mao ang pito ka Espiritu,” sa sinugdanan sa atong apostol *didto*; nga mao ang pito ka mga Espiritu,” nga sinugdan sa atong pagtulon-an, “nga nagatindog sa atubangan sa Dios, aron nga ipadala ngadto sa Pito ka Kapanahonan sa Iglesia.”

²⁰⁶ Oh, igsoon, tingali’g naglakaw-lakaw ka nga uban sa gamay’ng doctrina sa Baptist o sa Methodist, ug nahiusa ka uban niini; apan kong imong tan-awon kini, diha sa panan-aw sa Biblia, sa maka-usa. Husto kana. Amen. Ingon ug akong gibati ang pagka relihiyoso karon. Amen. Oo, sir. Tan-awa. Igsoon’ng lalake, anaa ka ra. Kini maoy paggaling; apan ang bisag unsang paglapdus, kini dili makapahimong maayo kaninyo . . .

²⁰⁷ Si Mama, atua sa likod nagalingkod, naanad siya pagpainum kanako ug castor oil. Sa mga gagmay pa kami’ng mga bata. Kinahanglan nga mokaon kami ug tinapay nga mais ug mga balatong, matag adlaw sa semana, ug sa Dominggo, usab. Himoan, kinahanglan nga moinum ako ug daghan nga tambal. Sabado sa gabii, kanunay niya ako paimnon ug castor oil. Ug sa Sabado sa gabii akong gunitan ang akong ilong, nga ingon *niini*, wala ko kini isulti ingon nga usa ka pasiaw. Akong gunitan ang

akong ilong, ug ingon ko, “Mama, dili ko makahimo sa pag-inum niini. Makapahimo kini kanako’ng masakiton.”

Matud niya, “Kong kini dili makahimo’ng masakiton kanimo, kini walay mahimong maayo kanimo.”

²⁰⁸ Busa mao usab Kini. [Gipikpik ni Igsoon Branham ang iyang Biblia—Ed.] Makapapukaw kaninyo! Makahatag kini sa inyong—inyong bahin sa lawas sa panghilis nga mulihok sa husto, aron ka makahimo gayud ka sa paghilis sa tibook nga ebanghelyo.

²⁰⁹ Ang mga Lutheran miabot nga uban ang pagkamatarong. Ngano, igo lamang sila . . . Gihimong organisasyon kini diha-diha, “Oo, sir, kami mao ang iglesia!”

²¹⁰ Nakita ni John Wesley ang pagkabalaan. Siya miingon, “Akong nakita kini nga may kalainan.” Ug miingon siya, “Husto kana, Luther, apan mao kini.” Unsa man kadto siya? Si Luther mao ang bitoon sa iyang panahon, apan ania si Wesley. Padayunon ta.

²¹¹ Karon, unya, ang tanan nga mga Lutheran mibalik ngadto sa sang-atanan, tungod kay ilang nakalimtan ang . . . wala na . . . Karon, dili ang tanan nga . . . Ang akong ipasabot ang Lutheran nga iglesia. Ang Lutheran sa gihapon adunay mga maayong tawo, puno sa Espiritu Santo. Husto kana. Apan karon silang tanan mibalik ngadto sa iglesia, niadtong panahona. Padayunon ta.

Ania nahiabot si Wesley. Gidala niya sila pinaagi sa iyang panahon.

²¹² Unya, ang unang butang nga masayran ninyo, miabot nga subay . . . Pagkahuman sa panahon sa mga Wesleyan, diha-diha mitungha ang Pentecostal. Ug ilang nadawat ang Espiritu Santo, nga naga sulti’g mga dinila.

²¹³ Ay na, ang mga Methodista, ug ang mga Nazaren, ug ang Holiness, miingon, “Oh, kini mao ang iya sa Yawa.” Ug nakita ba ninyo kong unsay imong gibuhat? Imong gipanamastamasan ang Espiritu Santo. Ug tan-awa kong hain na kamo karon? Husto kana. Naingon niana kamo, tukma sa inyong gibuhat. Sa tinud-anay, inyong gibuhat. Ug nangapakyas kamo sa paglakaw diha sa Kahayag.

²¹⁴ Ug karon kamong mga Pentecostal nagakadagaang na, niining Panahon sa Iglesia nga Laodicea, hangtud nga gisuka kamo sa Dios gikan sa Iyang baba. Tinuod. Kana maoy tinuod kaayo.

²¹⁵ Nagaingon kamo, “Nagatoo ba kamo sa pagsulti’g dinila?” Oo, sir. “Nakasulti na ba kamo ug mga dila?” Oo, sir. Akong gidayeg ang Dios tungod niini. Oo, sir. Nakasulti nako’g mga dila, sa makadaghan nga panahon. Ug nagatoo ako nga kini mao ang Gahum sa Dios. Oo. Wala ako magtoo diha sa pasiunang

timailhan, karon, maoy pagsulti'g mga dila. Apan nagatoo ako nga adunay Gahum sa Dios nga maoy nakapahimo kanimo sa pagsulti ug mga dila, mga ilhanan ug mga katingalahan magasunod. Oo, sir.

²¹⁶ Ug unya ang Yawa nagbutang didto ug usa karaa'ng pahoy, usa ka tawo nga nagtamay ug ang lihok sama sa adunay Espiritu Santo. Ug kamong tanan Pilgrim Holiness, ug Holiness, ug Nazarenes, ug kamong tanan, milingi ug miiingon, "Oh, wala ako magkinahanglan sa bisan hain Niana. Ooh!"

²¹⁷ Oh, kamakaloolooy! Kong nakabaton na kamo sa Espiritu Santo, o kaha ang usa ka bahin sa Dios nga anaa sa sulod sa inyong kasing-kasing, binala-an sama sa kaniadto nga kamo unta ingon niana, maila unta ninyo kana nga mao ang Gahum sa Dios. Wala ba si Jesus mag-ingon, "Kong nakaila pa kamo kang Moises, makaila usab unta kamo Kanako"? Dili malalis. Kung ang pagkabalaan mao ang kabahin sa Espiritu Santo nga naghinlo ug nagbalaan kaninyo; kung nakabaton kamo Niana, inyong mailhan ang uban Niini kong Kini moabot na.

²¹⁸ *Kining* kamota miila *niining* kamota. *Kining* ulo miila *niining* tiila. Kini maoy kabahin sa lawas.

²¹⁹ Ug ang Biblia nag-ingon nga adunay siyam ka mga espirituhanon nga mga gasa; mga manalagna, mga magtutudlo, mga ebanghlista, ug mana. . . ug uban pa; ug—ug paghubad sa mga dila, pagsultig mga lain pinulongan, Langitnong pagpanambal. Kini magaila sa matag bahin Niini.

²²⁰ Oh, kamo mikaging na, "Dili ko gustong walay mahimo Niana." Whew! Magpainit mo ngari, dili ba? Kana mao ang kamatuoran. Nganong? Ngano? Nag-organisar kamo. Ang inyong iglesia nag-ingon niini, ug mao kana ang hinungdan nga dili kamo makabuhat niini. [Si Igsoon Branham mituktok sa pulpito sa makahagdan nga panahon—Ed.]

²²¹ Apan kadaghan kaninyo'ng Methodistang nanggula na nakadawat sa Espiritu Santo. Kadaghanan kaninyong mga Baptist migula ug adunay Espiritu Santo. Oo, sir. Kamo, ug kadaghanan kaninyo'ng mga Holiness nanggula ug nakadawat sa Espiritu Santo. Oo. Ngano? Tungod kay wala ninyo tagda kong unsay giingon sa iglesia. Nanlakaw kamo diha sa Kahayag. Amen. Wala ninyo tagda kong unsay nagakahitabo. Inyong nahibaloan nga kini iya sa Ginoo, ug igo lamang nga kamo nagalakaw Niini.

²²² Pasagdi nga ang tigulang—tigulang babaye sa pagpabilin didto sa likod, ang ilang tigulang nga inahan. Siya naga-lihok nga sama sa iyang inahan kaniadto, usa ka babayeng bigaon. Siya organisado. Kana mao ang pinakasukaranan sa sinugdanan sa kasamok, sa dihang ang iglesia Katoliko nag-organisar. Unya ang Lutheran nga iglesia nag-organisar sunod kaniya. Ug unya ang Methodist nga iglesia nag-organisa sunod kaniya. Ug unya

ang iglesia nga Baptist nag-organisar. Ug karon adunay mga unom ka gatus ug kasiyaman ug unom ka nagakalain-laing mga organisasyon. Ug ang Pentecostal nagbuhat usab sa samang butang!

223 Himaya! Unsa man ang nahitabo? Gipamatud-an sa Dios nga Siya wala diha sa organisasyon. Anaa Siya sa Espiritu, ang Espiritu Santo. Hallelujah! Hallelujah! Oo, sir.

224 Dili niya tagdon kong unsa ang inyong organisasyon. Walay kapuslaan kini. Nasumpay kini diha sa Katolosismo ug namalik kini, ug mipabilin niini, ug nakadawat kamo sa mao ra nga marka nga iyang nadawat. Wala ba mag-ingon ang manulonda, “Gumula kamo kaniya, mga katawhan Ko, aron dili kamo makaambit sa iyang mga kasal-anan, ug pagadawaton Ko kamo”? “Ayaw paghikap sa iyang mga mahugaw’ng butang, ug pagadawaton Ko kamo,” naga-ingon ang Espiritu Santo.

225 “Ug bisan kinsa nga nagbaton sa marka sa mapintas nga mananap, o sa mga letra sa iyang ngalan.” Maayo unta kong adunay atong igo’ng panahon sa pagpadayon diha niana; ang akong panahon napupos na. Unsa man ang mga letra sa iyang ngalan? Protestantesismo. “Magbuhat ta ug larawan nga sama ngadto niini. Magbuhat ta ug organisasyon. Ang among simbahan sama ra ka daku sa Katoliko nga simbahan.” Ilang gipanagdawat kining tanan mga butang. “Adunay ilang mga daku’ng simbahan, ug kami, usab. Among nakuha ang daghan sa mga inila sa ciudad, diha sa among simbahan, maingon nga anaay ila. Magbuhat ta ug larawan alang sa mapintas nga mananap.” Ug unsa man ang giingon sa Biblia, ug mao kana ang usa siya ka “BIGAON,” ug mao kana ang usa ka “BIGAON,” pinaagi’g organisasyon.

226 Apan ang Iglesia sa buhing Dios gawasnon. “Siya nga makapanag-iya sa Anak mahimong gawasnon ug gawasnon sa dayon.” Gawas gikan niini! Pagpapuno sa Espiritu sa Dios.

Kanasuran nangabungkag, ang Israel
mibangon,
Ang mga timailhan nga gipanagna sa Biblia;
Inihap nalang ang mga adlaw sa Gentil, uban
ang kasamok nga mahiaguman;
“Balik, O kamong nagkatibula-ag, sa inyong
kaugalingon.”

Ang adlaw sa kaluwasan haduol na,
Ang kasing-kasing sa katawhan nangapakyas
sa kalisang
Magpapuno ka sa Espiritu sa Dios, pasigaha ug
maayo ang imong suga,
Pangita-a, ang imong kaluw’san duol na!
Amen.

227 Unsay nagakahitabo sa mga butang! Siya nag-ingon, sa katapusang mga adlaw, “Ayaw kahadlok gamay’ng panon. Tungod kay gikahimuot kini sa inyong Amahan ang paghatag kaninyo sa Ginghamarian,” nanag-uban sa paglingkod sa Langitno’ng dapit.

228 Ug kamong mga Methodist, Baptist, Presbyterian, nga nangatawa sa pentecostes . . .

229 Ug, nag-ingon ako, ang Pentecostal nagkinahanglan ug usa ka maayong kinaraang hampak nga Maayong Balita, tungod kay sila nag-organisar. Ang Assemblies of God miipon na ngadto sa—sa pinakadakung Pentecostal, miipon sa kapunongan sa mga kasimbahanan, maingon sa naandan ug panagkalahi. Ug ang pinakadautan nga akong nakita sukad mao ang tinagdan sa Espiritu Santo, nga pinakaduol, mao ang magwawali sa Pentecostal. Busa ayaw paghuna-huna, tungod kay sakop ka sa iglesia sa Pentecostal, maluwas ka na.

230 Maluwas ka lamang kong sa tinud-anay nabautismohan ka sa Espiritu sa Dios, pinaagi sa Espiritu Santo, nga nahiusa uban Kaniya diha sa Gahum sa Iyang pagkabanhaw, nga nagapanglakaw uban sa mga ilhanan ug kahibulongan, nga nagasunod sa Espiritu bisan diin Kini moadto. Ang mga ilhanan nagasunod sa mga profeta. Ang mga ilhanan nagasunod kang JesuCristo. Ang mga ilhanan nagasunod sa mga apostoles. Siya nag-ingon, “Kining mga ilhanan maganunot kanila,” hangtud nga mobalik Siya pag-usab.

“Nag-ingon ba Kana niana, Igsoong Branham?”

231 “Panlakaw kamo sa tibuok kalibutan, ug iwali kining Gahum ug pasundayag ngadto sa tanang kanasuran.” Ug kini kuwang ug duha sa tulo kabahin pa niini, ug, ang wala pa gayud makabati Niini. “Ug kining maong ilhanan maganunot kanila.” “Kanila!” “Tanang kanasuran!”

232 Himaya! Whew! Oh, na! Tingali’g maghuna-huna kamo nga nabuang ako. Ig soon, sultihan ko kamo, gihigugma ko kining kinaraan nga relihiyon. Oo, sir, magaangkla kanimo diha kang Cristo!

233 Karon nakita na ninyo kong unsa ang marka sa mapintas nga mananap? Kini mao ang marka sa pagbiya sa pagtoo. Usa kini ka tawo nga mao ang usa . . . pamalandunga lamang, kana, “Ah, nahisakop man ko sa iglesia, ug ako maayo ingon nga luyo-luyo. Wala ba ako mahisakop ngadto niining iglesyaha?” Ug inyong naila, diin ang inyong iglesyang organisasyon nga inyong gisaligan, kong diin kini magagikan? Nakaila ba kamo?

234 Ang Bibliya nag-ingon, “Siya nga nagasimba sa mapintas nga mananap, nakadawat na sa iyang marka, o ang letra sa iyang ngalan,” karon pagbantay, “diha sa agtang ug kamot,” kana *mao ang pagkahibalo sa buhat*. Kana wala magpasabut nga adunay

imong daku'ng tattoo diha sa imong nawong. Walay ingon niana. Kini wala maghisgot sa gawas. Naghisgot kini sa espirituhanon.

²³⁵ Ug bantayi siya ug tan-awa kong unsay iyang nahibaloan bahin sa Kasulatan. Paminawa siya ug tan-awa kong hain siya mopadulong. “Kong adunay tawo nga wala niining maong Doctrinaha, walay Kahayag diha kaniya,” nag-ingon ang Biblia. Tan-awa? Tan-awa? Bantayi kong kung asa siya paingon. Bantayi kong unsay iyang gibuhat.

²³⁶ Siya moingon, Ah, ako-ako sakop. Protestante ako. Oo, sir. Ako—ako sakop diha *niining* iglesiaha. Oo, sir.” Ug sa Dominggo kinahanglan nga duna kanay igo nga magtahud niini sa pag-anhi bisan kong ulan. Siya milakaw, inay nga moadto sa tigum sa mga pag-ampo, inyong gisirhan ang simbahan, ug molingkod nga magatan-aw sa television. Migula siya dinhi ug nagpadayon ug inom, ug nagkinabuhi sama sa mga kalibutanon, apan bisan pa niana sakop lang gihapon siya sa iglesia. Hinumdomi, nga kana mao ang marka sa sala.

²³⁷ Karon atong basahon sa unahan ug diotay, sa labing dali, ug unya tapuson ko na. Lapas na ta sa oras. Atong basahon na karon ang ika-6 nga bersikulo.

Ug nakita ko ang babaye karon (ang iglesia) nahubog sa dugo sa mga balaan, . . .

²³⁸ “Nahubog sa dugo sa mga balaan.” Nahibalo ba kamo, ang Biblia nag-ingon, nga sa iyang pagkabungkag, nga ang matag may kamatayon nga nangamatay, dinhi sa yuta, ang kasalanan hikaplapan diha sa iglesia Katoliko. Tukma kaayo sa sinugdanan.

*. . . ug sa dugo sa mga gipamatay nga saksi ni Jesus:
ug . . . (si Juan nagsulti niini karon) . . . ug sa pagkakita
ko kaniya, nahibulong ako'g daku.*

²³⁹ Si Juan nag-ingon! Karon atong tan-awon dinhi. Si Juan nag-ingon, “Nakita ko siya; nga matahum, usa ka matahum ug daku nga simbahan. Anaa kaniya ang tanan nga pundok sa mga kasimbahanan nga nahimugso gikan kaniya, inahan sa mga babayeng bigaon.’ Ug milingi-ko pagbalik sa unahan, ug kong giunsa nianang babaye . . . Nagapanghatag siya nianang mini nga doctrina, hinungdan sa pagkahubog sa tanang mga hari ug mga ‘inilang mga tawo tungod niini. Ug dinhi ang iyang mga anak nanagbuhay usab sa ingon nga butang. Apan, nakita ko siya, hilabihan ang iyang pagkatahum!”

²⁴⁰ Usa ka dapit diha sa Kasulatan nag-ingon, “Nagalingkod ako ingon nga usa ka rayna ug walay nakulang kanako.” Tan-awa?

²⁴¹ Ug unya siya, si Juan, nag-ingon, “Nakadayeg ako kaniya. Nakita ko siya, ug nagtan-aw uban sa dakung pagdayeg. Nakadayeg ako kaniya.”

Ug ang manolunda miingon kanako, Nganong nahibulong ka man? Itug-an ko kanimo . . . Itug-an ko kanimo ang tinagong kahulogan mahitungod sa babaye, ug . . . sa mapintas nga mananap nga iyang gikabay-an, nga may . . . pito ka buok ulo ug napulo ka buok sungay.

²⁴² Karon atong tan-awon kong husto ba kita. Kong nakuha ta ang Katolisismo nga tukma, unya inyong mahibaloon nga ang Protestantismo nagasunod niini. Sa ingon naangkon ninyo . . . Kamo, nakabaton kamo sa pagpanabot nga igo nga ikasayud niana, tan-awa. Bantayi.

Ang mapintas nga mananap nga imong nakita mao ang sa kaniadto, . . . ug dili ang sa karon, ug mao . . .

²⁴³ “Ang mapintas nga mananap.” Karon pagbantay. Karon imong mamatikdan dinhi niini, nga nag-ingon kong pila ka mga hari ang atoa didto; giunsa man sa pagkahulog, ang usa kinahanglan nga moabot.

. . . ug mao ang molugwa gikan sa bung-aw nga walay kinutoban, . . .

²⁴⁴ Wala sa Biblia! Nagagikan sa usa ka pundok sa matootohon nga namugna. Walay kasaysayan alang niini. Diin man ninyo makuha ang “purgatoryo”? Diin man ninyo makuha kining “walay-karni,” ug “ang dili pagminyo sa pari,” ug tanan pang butang nga ilang gibuhay, “pagpangompisal”? Diin man kini ninyo makuha? Walay usa ka dapit bisan diin nga makita kini. Kini nagagikan sa impiyerno. Ang Biblia ang nagsulti niana. Kini milugwa, ang mapintas nga mananap, ang gahum, ang doctrina nga anaa niini, “Milugwa gikan sa bung-aw nga walay kinutoban.”

. . . ug mopadulong sa pagkalaglag: . . .

²⁴⁵ Hain man ang “kalaglagan”? Sa impiyerno. Mobalik diha-diha sa dapit nga iyang gigikanan.

. . . ug ang mga nanagpuyo sa yuta kinsang mga ngalan wala mahisulat sa basahon sa kinabuhi. . . sukad sa pagkatukod sa kalibutan, sila nahibulong sa pagkakita sa mapintas nga mananap tungod kay kini mao man ang kaniadto, . . . dili mao ang sa karon, ug mao ang sa umalabot.

²⁴⁶ Karon, ang mga Protestanting mga kasimbahanan miingon, “Ah, unsaon ang pagkahimo niana, sa ilang pag-ingon, ‘Nagatoo ako kang JesuCristo. Siya mao ang kaugalingon ko nga Manluluwas?’” Ang Yawa nagtoo man, usab, igsoon.

²⁴⁷ Kini maoy usa ka pagpakatawo, usa ka bag-ong Pagkatawo, usa ka pagkatawo pag-usab. Ug kong ikaw natawo na pag-usab, ang imong ngalan igabutang diha sa Basahon sa Kinabuhi sa Cordero.

248 Miingon kamo, “Kanunay ako nga nahibulong. Ah, unsay, dili maayo kanako maingon sa uban? Dili ba ako maayo man kay sa usa ka pundok kaninyong mga buangbuang nga mga balaan nga libod suroy? Ako labi pang utokan. Akong naangkon kini sila sa . . . Adunay akong nakuha nga mga titulo. Ako nagagikan sa usa ka kolihyo. Nagagikan ako sa usa ka maayong banay. Ang akong mga katawhan sakop sa iglesia, bag-o pa kanako. Dili ba nga maayo ako sama kanim?”

249 Kini giingon, “Ang tibuok kalibutan,” ang Protestante ug ang tanan, “nahibulong,” tanan gawas niadtong kang kinsang ngalan nahisulat diha sa Basahon.

250 Nganong nahisulat man ang ilang mga ngalan? Sila mga Kaliwat ni Abraham, “ug nga mga manununod sumala sa gisaad, pinili sa wala pa matukod ang kalibutan.” Mao kana ang hinungdan nga wala sila mahibulong. Panid-i dinhi, karon bantayi kong unsay iyang giingon. Bantayi silang mga anaa sa Basahon sa Kinabuhi sa Cordero.

Ug ania niini ang salabutan nga may kaalam.

251 Karon mangutana ako kaninyo ug usa ka butang. Usa ba sa mga gasa sa Espiritu Santo ang kaalam? [Ang Congregasyon miingon, “Amen.”—Ed.] Husto ba kana? Pila man ang motoo nga sa Biblia, sa Unang mga taga Corinto 12, nagatudlo nga ang mga gasa ug ang tanan nga diha sa iglesia, mao ang kaalam, atong tan-awon ang usa sa mga gasa? [“Amen.”] Ah, unsaon man ninyo ang pagpakaingon nga wala na ang pagsulti’g mga dinila? Unsaon man ninyo sa pagpakaingon, nga wala nay paghubad sa laing sinultihan? Unsaon man ninyo sa pagpakaingon, nga wala na ang Langitnon nga kaayohan? Tungod kay mao ra nga lawas. . . Kong ako usa ka lawas, adunay kamot *dinhi* sa pikas, ug usa ka kamot *dinhi* sa pikas, ug usa ka tiil *dinhi*; unsaon mo man sa pagpakaingon nga ang kamot, dili mao ang tiil? Wala ba ninyo madungog kong unsa ang giingon ni Pablo?

252 Karon bantayi, nagasulti siya sa katapusan nga mga adlaw, nga alang gayud sa Lawas, nga nag-ingon, “Aniay alang kaniya nga adunay kaalam.” Oh, kini ang akong gusto. Oh, na! Ania ang makapatay-og kaninyo. Paminawa kini. Padayunon ta. “Ania niini ang salabotan nga adunay kaalam.” Kong kadtong mga gasa sa Espiritu Santo wala magikan sa tanan nga kapanahonan, nan ngano man naghigot man siya alang sa katapusan nga mga adlaw? Kong niini walay mga gasa diha sa iglesia, dinhi sa katapusan nga mga adlaw, nganong giagak man usab niya kini ngadto sa katapusang mga adlaw? “Aniay alang kaniya nga adunay kaalam.”

*. . . Ang pito ka mga ulo mao ang pito ka mga bukid,
nga niini nagalingkod ang babaye.*

253 Pila ka buok bungtod? Pila man ka mga ciudad dinhi sa kalibutan, nga bisan pa, nga ang usa ka iglesia nagalingkod

diha sa ibabaw sa pito ka bungtod? Usa lamang. Hain man kana? Ang Ciudad sa Batican sa Roma. Husto ba? [Ang Congregasyon miingon, “Amen.”—Ed.] Ang Biblia nag-ingon nga kining makalilisang nga bigaon nga ang tibuok kalibutan nahimong makihilawason, ug nanganak ug daghan nga anak nga mga batang babaye aron sa pagpanudlo sa samang mga butang nga iyang gibuhat; dili sila mga dautan nga sama kaniya, apan mga anak sila sa bigaon. Gitudloan sila sa samang butang. Nag-ingon, “Ang sinugdanan niini mao ang usa ka babaye,” o usa ka iglesia, “nga nagalingkod sa ibabaw sa pito ka mga bungtod,” sa Roma. Akong nakita ang tibuok kalibutan; suginli ako kong hain kini, “usa ka iglesia nga naglingkod sa pito ka mga bungtod.” Karon akong gibasa kini gikan sa Biblia.

Ug adunay pito ka mga hari: ug ang lima kanila nangapukan na, . . .

²⁵⁴ Kong atong kuhaon ang kasaysayan, ug unya mobalik ta diha-diha ug ipakita kini, kong diin ang mga hari mapukan, diha sa Roma, sukad pa sa gingharian sa Babelonia.

. . . ang usa mao si (Nero), ug ang usa umalabot pa; ug . . . siya kinahanglan nga magpabilin sa makadiyot (mga unom ka bulan) inigtungha na niya.

²⁵⁵ “Ug ang mapintas nga mananap . . .” Ooh! Tan-awa kini. Karon ang gahum maoy moangkon sa paganong dapit.

Ug ang mapintas nga mananap nga mao ang sa kaniadto, ug dili ang sa karon, apan . . . mao ang ika-walo, (karon bantayi) apan isa siya sa ikapito . . .

²⁵⁶ Kamong tanan nahibalo kong unsa siya ka makalilisang nga hari. Iyang ha— . . . Iyang gibitik ang iyang inahan sa usa ka kahoy sa kabayo ug giguyod siya sa kadalanan, ug gisunog ang ciudad ug sa bungtod siya nagdula-dula. Kana mao ra nga matang sa espiritu nga naga buot sa iglesia nga gipahimutang diha sa dapit sa pagano. “Ang ikawalo, nga iya sa ikapito. Ug unya siya mao ang sa karon, ug ang sa wala pa moabot; ug ang mao ang sa karon, ug ang sa wala pa moabot; ug ang sa karon, ug ang sa wala pa moabot.” hangtud sa kinaubsan.

. . . ug mipadulong ngadto sa pagkalaglag.

²⁵⁷ Mihagsa hangtud sa Pag-abot sa Ginoo, ug siya itambog ngadto sa impiyerno.

Ug ang napulo ka buok sungay nga imong nakita, kini sila mao ang napulo ka mga hari, nga wala pa managpakadawat sa harianong kagahum; apan ilang pagadawaton ang pagbulot-an ingon nga mga hari sulod sa usa ka takna, kauban sa mapintas nga mananap.

²⁵⁸ Oh, kon adunay lamang atong . . . “Wala pa makadawat ug harianong kagahum.” Sila dili mga hari. Walay ilang . . . Dili sila

makahimo. Ang mga sungay walay mga purong-purong. “Ilang nadawat ang gahum sa mga hari.” Unsa man kini? Mga dictador; walay harianong purong-purong. Mga dictador! Oh, na!

²⁵⁹ Karon, oh, samtang gibasa ko kini, usahay ang akong kasing-kasing molukso sa kalipay, padayunon ta, sa akong pagpamalandong kong giunsa nga kita nagakinabuhi karon niining katapusang adlaw.

Ug ang napulo ka buok sungay nga imong nakita kini sila mao ang napulo ka mga hari, nga wala pa managpakadawat sa harianong kagahum; apan ilang pagadawaton ang pagbulot-an ingon nga mga hari sulod sa usa ka takna kauban sa mapintas nga mananap.

Adunay usa kahuna-huna, ugigatugyan nila ang ilang kagahum ug pagbulot-an.

Sila magapakig-gubat batok sa Cordero, apan pagadag-on sila sa Cordero. . .

²⁶⁰ Diha niana moabot ang Gubat sa Armageddon; nga andam para sa Milenyum.

. . . kay kini siya mao man ang Ginoo sa kaginoohan, ug Hari

sa kaharian: . . . (ayaw ug katay-og) . . . ug sila nga uban kaniya

maoy mga tinawag, ug mga pinili, . . .

²⁶¹ Dili ikaw; Siya aduna. Imong naangkon ang Espiritu Santo, kinahanglan kang mosingit sa kadaugan. Ang Dios nagpili kanimo sa wala pa matukod ang kalibutan. Kung wala nimo kit-i ang Kahayag sa Maayong Balita, kana tungod kay ikaw—ikaw ingon nga bulag.

. . . pinili, ug mga matinumanon.

Ug nagaingon siya kanako, Ang mga tubig nga hingkit-an mo, nga ginalingkoran, sa bigaon mao ang mga katawohan, . . . nga mga panon sa katawhan, ug mga nasud, ug mga sinultihan.

²⁶² Sa laing pagkasulti, kining babaye nga nagalingkod dinhi, mao ang iglesia, nga maoy magapakaylap sa iyang doctrina ngadto sa mga katawhan, mga panon, ug mga pinulongan. Mao kana siya. Siya nagamando sa ibabaw nila. Siya nagalingkod sa ibabaw nila, ang gahum maoy nagamando kanila. Siya nagalingkod sa ibabaw sa pito ka mga bungtod, nga nagbisti ug escarleta, ug gidayandayanan sa mga bahandi sa kalibutan. Mao kana siya.

Ug ang napulo ka buok sungay nga imong nakita kini sila ug ang mapintas nga mananap, mao unya. . .

²⁶³ Bantayi karon, nagapadulong na kamo ngadto sa gahum sa comunismo.

. . .kini sila unya ang magadumot sa babayeng bigaon, ug siya ilang pagalaglagon ug pagahuboan, ug ang iyang unod ilang pagakan-on, ug siya ilang pagasunogon pinaagi sa kalayo.

Kay diha sa ilang mga kasing-kasing gibutang sa Dios ang pagbuhat nila sa iyang kabubut-on, pinaagi sa ilang pagbaton ug usa ra ka panghuna-huna, ug pag-uyon, ug pagtugyan sa ilang harianong kagahum ngadto sa mapintas nga mananap, hangtud nga matuman . . .ang pulong sa Dios.

264 Hallelujah! “Ang mga langit ug yuta mahanaw, apan ang Pulong sa Dios dili gayud mahanaw.” Tan-awa!

. . .ug ang babaye nga imong nakita . . .

. . .ang babaye nga imong nakita mao ang bantugang ciudad, nga nagahari sa mga hari sa yuta.

265 Pakita-a ko ug usa ka ciudad dinhi sa kalibutan nga maoy nagahari sa ibabaw sa mga kaharian sa yuta, gawas sa bisan unsang paagiha nga maoy gusto nimo, sa gawas sa kagamhanan sa simbahang Katoliko sa Roma, nagalingkod sa pito ka mga bungtod. Walay usa ka ciudad, ang bisan pa’g kanus-a, ug dili gayud mahitabo nga mahimo; gawas lamang sa Bag-ong Ciudad nga gikan sa Langit. Husto kana.

266 Karon, kadiyot na lang. Gusto ko nga ipakita kaninyo kini pag-usab, ug sa ingon nga ang Ginoo magmatinagdanon ug manalangin kanatong tanan samtang basahon ta kini. Padayunon ta. Bantayi na dinhi karon, akong gibasa ang ika-13 nga capitulo. Magsugod ko sa bersikulo-15.

Ug gitugot kaniya ang paghatag ug kinabuhi ngadto sa larawan . . .

267 Mao kana ang Estados Unidos, nga atong nakita nga mitungha, nakita ba ninyo, ang usa ka larawan.

. . .nga tungod niini ang larawan sa mapintas nga mananap makahimo na gani sa pagsulti, ug makahimo na sa pagpatay niadtong mga dili mosimba sa larawan sa mapintas nga mananap. (Mao kana ang paglikay.)

Ug ang mga timawa ug mga kadagkoan, mga dato ug mga kabos, mga ulipon ug mga tawong gawas, ang tanan iya usab gipamarkahan diha sa too nga kamot, o sa ilang agtas . . . agtang.

Ug nga tungod niana walay bisan kinsa nga makapamalit o makapamaligya, gawas kong anaa kaniya ang maong marka, o ang ngalan sa mapintas nga mananap, o numero sa iyang ngalan.

268 Karon bantaye, karon, du-ol karon, tinu-od nga hadu-ol, sa dili pa ta matapus. Ang bersikulo 18. Paminaw.

Ania ang kaalam.

²⁶⁹ Tan-awa ang Espiritu Santo nagtawag pag-usab sa mga magtoto-o niining katapusang adlaw? Kanang gamay'ng pundok diha, nagasulti, nagatawag ngadto sa gagmay'ng pundok nianang adlawa, "Ania alang kaniya nga adunay kaalam diha sa iglesya. Aniya igahatag kaniya ang pagsabot niini.

. . . *Kaniya nga may salabutan ipakuenta ang numero sa mapintas: kay kini maoy usa ka numero sa tawo, (dili usa ka nasud) usa ka tawo; ug ang iyang numero Unom ka gatus ug kan-uman ug unom.*

²⁷⁰ Ug didto gayud sa Siyudad sa Vatican. . . Ayaw ko'g ingna karon; Anaay Akong Mga *Kamatuoran Sa Atong Tinuohan*, ug ang tanan, tan-awa. Diha gayud sa Siyudad sa Vatican, ug ang papa nagabarug maingon nga "ang ilis sa Anak sa Dios." Aniay akong higala nga Katoliko nga naglingkod karon diha, mao kadto ang Katoliko, nagapahimutang dinhi ug nahibalo nga kana mao ang kamatuoran. Ang akong katawhan, tingali, nga nagsunod kanako, kita usab mga Katoliko, usab. Tan-awa?

²⁷¹ Ilang gitawag si San Patrick nga usa ka Katoliko, ug siya wala gayud mahimong usa ka Katoliko. Matud nga si Joan sa Arco usa ka santa; ug gidauban siya sa mga pari ingon nga usa ka ungo. Dili ikatingala nga si Jesus nag-ingon, "Inyong gipaputi ang mga lubnganan sa mga profeta, ug inyong gipahiluna sila didto, kamong mga pinaputi ang mga bung-bong." Husto kana.

²⁷² Bantayi, kini maoy numero sa usa ka tawo. Ug didto sa ulo sa papa sa Roma, mao kini ang nahisulat, "VICARIVS FILII DEI." Kini nahisulat sa Romanhon nga mga litra. Isulat lamang kini ninyo, V, I, C, I, R, oh, timan-i lamang kini, diha sa mga Romanhon nga mga litra, ug pagsulat kamo niini ug kuentaha kini, ug tan-awa kong unsay inyong nakuha: unom ka gatus kan-uman ug unom. Hain man siya maglingkod? "Sa ibabaw sa pito ka mga bungtod."

²⁷³ Ug gikan didto mitungha ang organisasyon sa relihiyon, nga nagapanudlo sa pagtoo-too nga gipuli sa Biblia. Ug ang mga Protestante midagsang gikan niini, ug mao ra nga butang ang ilang gibuhay, tungod kay Kini nag-ingon nga siya usa ka "BIGAON," ug sila mga "MAKIHILAWASON." Maoy nagdala sa usa ka mini nga bautismo, pinaagi sa mini nga relihiyon, pinaagi sa usa ka mini nga pagpanabot sa Espiritu Santo, uban sa usa ka mini nga pagsabot sa impiyerno, ug tanan kining mga butanga nga sulosama niana, ug ang mga Protestante misunod diha gayud sa mga tunob.

Apan kini mamahimong Kahayag sa panahon
sa kagabhi-on,
Sa dalan sa himaya imo nga gayud hikaplagan;
(husto kana)
. . . ang dalan, mao ang Hayag karon,

Gibulong sa bililhong Ngalan ni Jesus.
 Tiguwang ug, batan-on man, tanan ninyong
 sala pagahinulsolan,
 Ang Espiritu Santo sigurado magasulod
 gayud;
 Ang Kahayag sa kagabhion miabot,
 Mao kini ang kamatu-oran nga ang Dios ug ang
 Cristo usa ra. (Amen!)

²⁷⁴ Igsoon'g lalaki, gisultian ko kamo, nga kini maoy Kahayag sa kagabhion nga midan-ag. Ang mao rang Doctrina sa mga apóstoles, sama ra nga bautismo sa apostolic, mao nga apostolic ang nagpuno sa Espiritu Santo, mao ra sa apostolikanhong mga ilhaan ug mga katingalahan, nga migimaw pinaagi sa mga Gentil; sama sa gibuhát sa mga Judio, kaniadto sa sayong kabuntagon, ug niini karon sumasalop na ang adlaw.

Daghan'g katawhan sa kadaplinaan,
 Kansang kasing-kasing nagdilaab,
 Pinaagi'g Kalayo sa Pentecostes,
 Nga naghinlo's mga nahugawan;
 Oh, sa kasing-kasing ko nagdilaab,
 Oh, himaya's Ngalan Nya!
 Kalipay ko'ng magaingon usa nila.

Usa nila, usa nila,
 kalipay ko'ng magaingon usa nila;
 Usa nila, usa nila,
 Kalipay ko'ng magaingon, usa nila.

Didto sa lawak nga tigumanan,
 Sa Iyang Ngalan sila nangamuyo,
 Sa Espiritu Santo sila gikunsaran,
 Sa gahum sila gihatagan;
 Niadtong adlaw unsay buhat nila Niya
 Kaninyo ilang pagabuhaton sila,
 Kalipay ko'ng magaingon usa nila

Mao ba usab kamo? [Ang Congregasyon miingon,
 "Amen."—Ed.]

Duol, akong igsoon, panalangin pangitaon
 Mga kasal-anan mo papason,
 Kini sa kalipay magabagting
 Kainit sa kalag mao mag-alangiting;
 Oh, sa kasing-kasing ko nagdilaab,
 Oh, himaya's Ngalan N'ya,
 kalipay ko'ng magaingon, usa nila.

²⁷⁵ Oh, alang niining mahimayao'ng Balita!

Gipatulo-an kini sa dugo, oo, gipatulo-an kini
 sa dugo,

276 Isipa ang bili! “Kong mosunod siya Kanako, kinahanglan ilimod niya ang iyang kaugalingon, ug pas-anon niya ang iyang krus (kamatayon) ug mosunod Kanako.”

Kining Espiritu Santong sa Dugo gipatulo-an,
Dugo's mga tinun-an nga gipatay sa
Kamatuoran,
Kining Ebanghilyong sa Dugo gipatulo-an.

Ang unang namatay sa Espiritu nga Santo
pagbulot-an
Mao si Juan Bautista, namatay nga sama sa usa
ka lalaki;
Dayon si Ginoong Jesus, sa krus ilang
Gilansang,
Tungod sa pagwali nga ang espiritu muluwas
sa tawo sa sala

Naa didto si Pedro, Si Pablo, ug Juan nga
balaan,
Kinabuhi ilang gihatag aron ang Ebanghilyo
mondan-ag;
Ilang dugo, giipon sa mga profetang karaan,
Aron ang Pulong sa Dios ang sa pagkatinuod
igatudlo.

Dayod Gibato si Esteban, Giwali niya ang
batok sa kasal-anan,
Gihimo N'ya nga ilang kasuk-an, ug ilang
gilabay iyang kina-adman;
Namatay sa Ginoong, kalag gihatag
Misaka'g miipon, sa panong mahinatagon

Sa dugo gitulo-an, Oo, gipatulo-an,
Espirituhanong Balita sa dugo gipatulo-an,
Dugo sa tinon-an, namatay sa Kamatuoran,
Espirituhanong Balita sa dugo gipatulo-an.

Kalag sa halaran, “Mitu-aw sa kalangan?”
Aron sa Dios balusan kadtong nagbuhat ug
kalapasan;
(makapahimu-ot, tan-awa. Oh, na!)
Daghan pang motugyan sa kinabuhing'g dugo
Alang sa Ebanghilyo sila moduko.

Sa dugo gitulo-an, Oo, gipatulo-an,
Espirituhanong Balita sa dugo gipatulo-an,
Dugo's mga tinon-an nga gipatay sa
kamatuoran,
Espirituhanong Balita sa dugo gipalo-an.

277 Molingi ta, ug paglamanohay na kamo karon.

Sa dugo gituloan; Oo, sa dugo gipatulo-an,
Kining Ebanghilyo sa dugo gipatulo-an
Dugo sa tinon-an namatay sa Kamatuoran,
Kining Ebanghilyo gipatulo-an.

²⁷⁸ Gihigugma ba ninyo ang Ginoo? [Ang Congregasyon miingon, "Amen."—Ed.] Ang Ginoo magapanalangin kaninyo.

²⁷⁹ Amahan, naga-ampo kami nga Imong panalanginan kining katawhan, ug hinaut nga mopauli sila nga malipayon. Hinaut unta nga moduol sila sa Tuboran nga napuno sila sa Dugo, nga kinuha gikan sa kang Emmanuel nga kaugatan. Hinaut unta nga mobiya sila sa kara-ang pagka makisimbahanon, ug moduol aron makadawat sa Espiritu Santo. Kini among gi-ampo sa Ngalan ni Jesus. Amen.

Ang Dios magapanalangin kaninyo. Maayong gabii. Ang Dios maga-uban kaninyo.



ANG MARKA SA MAPINTAS NGA MANANAP CEB54-0513
(The Mark Of The Beast)

Kining Mensahe ni Igsoong William Marrion Branham, Unang giwali sa pinulungang Ingles niadtong Huwebes sa gabii, Mayo 13, 1954 sa Tabernakulo nga Branham sa Jeffersonville, Indiana, U.S.A., mao'y gikuha gikan sa usa ka magnetik teyp recording ug giimprinta sulod niini sa hingpit sa pinulungang Ingles. Kining paghubad sa pinulungang cebuano giimprinta niining tuig nga 2001 sa:

CEBUANO

©2001 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Pahibalo Bahin Sa Katungod Sa Pagmantala

Ang tanang katungod sa pagmantala iyaha lamang sa tag-iya. Kining basahona mahimong i-print sa printer sa balay alang sa personal nga gamit o sa pagpang-apod-apod, nga walay-bayad, ingon nga usa ka instrumento sa pagpakaylap sa Ebanghelyo ni Jesus Cristo. Kining basahona dili mahimong ibaligya, kopyahon nga pang-dinaghan, i-post sa website, i-store sa usa ka retrieval system, ihubad sa ubang pinulongan, o gamiton sa pagpangayo og mga amot nga walay ginapagawas nga kasulatan nga pagpahanugot gikan sa Voice Of God Recordings®.

Alang sa dugang nga mga kasayuran o alang sa uban pa nga ginapang-apod-apod nga mga materyales, mahimong kontakon ang:

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org